


NOMBOLO YA SIBATANA

 Ni itumezi. Mi ki hali, “Ni ipate ku Wena.” Kiñi, Ni sepa kuli yeo kinto yende luli. Na lata cwalo luli, hande luli. Ni itumezi hahulu luli.

Mi ki “Musihali omunde,” ku mina kaufela, “manzibwana,” mi limbuyoti za Mulimu libe ni mina kaufela.

Cwale, hape, ka, busihu boo, ki lithonolo la luna kuli lu apule makepe a Linzwi, mo, ku to bala. Na—Na lata kuopela; Na lata fela cwalo. Mi Ni bulezi hañata kwa sicaba kuli, “Ha mu ka fita kwa Lihalimu, haiba ha mu ni fumani kwa Lubona kokuñwi, mu ye ko ba opela.” Mi Ni—Ni bata ku yo ba kwani. Mi Na lata kuopela kokunde. Kono, mwa nako ya—ya mukopano wa Evangeli, koo buiketelo bu lukela kueziwa, Na sepa, “Ki pina fela kamba zepeli, mi kapili mukena mwa Linzwi. Mufange nako kwa Linzwi.” Mwabona? Kakuli yeo kona nto ya butokwa—taba ya butokwa: ku kenelela fela hande kulibana ni Linzwi.

Nekuna ni yomuñwi mwahali mo, sicaba se si zwa kwande a tolopo, ya pila mwa koloi, kwa mulaho fela wa sibaka, kuli Ne ni swanela ku kopana kakusasana nyana mwa musihali, lisebelezo li si ka kalisa kale. Haiba bateni mo: Mu ni swalele kuli Ne ni si ka taleleza mulelo wani; mi Ni ka mi bona kapili sebelezo ifela; mu ni swalele ka kubulela kuli, “Ni kaba kwanu,” ha Ni, lika zeñwi za taha, kuli, Ne ni sike naba kwanu ka nako yani.

Cwale, kamuso busihu . . . Luna kamita lu fumana nto iliñwi, ki Mulena Jesu Kreste, ku felile, ni seo kaufela tato ya Hae ya Bumulumu ili sona kuli lu eze. Kono haiba ki tato ya Hae ye Pahami kamuso busihu, fa *Liswayo La Mulimu*, kona ze lu ka bulela, haiba Mulena alata.

² Mi busihu boo, lu ka lumeleza, haiba Yena . . . abe lithonolo la Hae kuli lu eze cwalo, kamba lithonolo la luna la ku ezeza Yena, nitaluse, busihu boo, lu bata kuambola ku yeñwi ya lituto ze butokwa hahulu za hola yee: *Nombolo Ya Sibatana*.

³ Mi maabani busihu ne luli mwa masika a likeleke, *Masika A Likeleke Zesupa*. Mi ku kalela ka Lusika lwa Keleke ya Maefese, lwa Efese; ni ku yo felela mwa Lusika lwa Keleke ya Laodesia, lusika lwa keleke ya mafelelezo. Mi cwale Mulena aekeze limbuyoti za Hae cwale kwa Linzwi halunze lu bulela.

⁴ Cwale ha lu inamiseñi fela litho za luna fa nako nyana kwa tapelo, lu si ka apula kale Linzwi la Bumulumu le.

⁵ Ndate ya Musa yakwa Lihalimu, lu itumezi ka lithonolo le lunani busihu boo, ka kuba baba pila, ni kuba mo mwa lifasi, busihu boo, ni kuba ni buiketo ni mata, ni ku kona kuina mwa muyaho, mo Linzwi la Mulimu li baliwa.

6 Mi lwa lapela, O Muliululi ya fuyozwi, kakuba Muliululi wa luna wa Lubasi Ya lu tapisize mwa Mali a Hae, ni ku lu kenisa kwa sibi, mi cwale u lu tisa ku Ndate, lusina mulatu, ku Kreste Jesu; a Ku tahe, busihu boo, mi unge Linzwi ni ku Li kwalulela mwa lipilu zaluna. Mi cwale Moya o Kenile ha uswale Linzwi hanze Li lutiwa, mi Li ye fela hande kutalima fo li libile, kwa pilu ifi kaufela, pilu yaka ni lipilu za sicaba. Sina ha lu Li tokwa, Ndate, ha Li tisiwe. Mi kusike kwaba nihaiba alimuñwi yaka nyemiswa ka Linzwi. Mi, Ndate, haiba nako ifi kaufela ye Ni lukela kubulela taba ye ka shutana kwa zamaiso ya Hao, Moya o Kenile ha u tuhelise mulomo waka. Ni lakaza fela kuziba sesili Niti, mi ni zamaye mwateni.

7 Lu fuyole hamoho cwale, lu swalele libi za luna, halunze lu kopani mwa ndu ya milapelo ye. Mi cwale libi za luna halibe mwatasa Mali, mi mioya ya luna ibeiwe mwa mubonelo o lukile wa milapelo ka nako ye. Kakuli lu kupa ka Libizo la Jesu. Amen.

8 Cwale, ne ni sweli fela kunahana, kaemba nyana ka pampili fa, ko Ni ñozi Mañolo nyana cwalo. . .ka za kuswanisisa teñi, kwa kubala, ka ku kala. Mi cwale ha Ni taha fahalimu fa, ku bonahala kuli ha Ni ikutwi kubala yeñwi ya ona. Cwalo hañata kona mo ku ezahalelanga; libaka zene kamba zeketalizoho za kubala teni ka kukalisa.

9 Kono Ni bata kubala kamba kubulela se pili, kuli, ka kubulela, Ha ni koni kupulelangi litaba. Mwa ziba, mwendi, inge fela. . .Ha ni lukisangi za kubulela sina mina mo mu ezezanga, mwabona, hakuna sika. Ni libelezi fela Yena. Mi fela ka mo Ni li bonela, kona mo Ni fitela fela kuzona ni ku linga, ni ku li tambeka hape. Mi fokuñwi ikona ku utwahala buhali nyana, fokuñwi, kono kona fela nzila inosi ye Ni li amuhela ka yona. Kacwalo yeo—yeo kona fela nzila inosi ye Ni kona kulifa ka yona.

10 Cwale, ku se, ha si. . .ni bulele hape busihu boo. Se ha si talimani ni mutu ufi kaufela kamba bulapeli bwa mutu kaufela, mwabona, batili sha. Ha lu lumeli ku zeo. Lu lumela kuli luna lu ma American ba niti, kuli mutu kaufela wakona kuba ni lithonolo la kulapela Mulimu kuya ka kulata kwa taelo ya lizwalo la hae. Mi lubata kuli libange ona cwalo kamita. Kono, mwa keleke ifi kaufela, luna ni tuto.

11 Linako zeñata, mwa likopano, likopano, bana ni tuto ya tumelo. Mi baina fa tuto ya tumelo yeo, “Ye kona tuto yaluna.” Hakuna taba ka sa nahana mukutazi, una ni ku kutaza tuto ya tumelo, kakuli u mwa kopano.

12 Mi mwahali mo, haluna tuto ni yekana kwanda Kreste, yeo kona tuto ya tumelo; mi haluna mulao kwanda lilato; hakuna buka kwanda Bibebe. Mi Kreste ki yena Toho; Bibebe ki buka ya lituto za luna; lifasi kona sibaka sa kukutaza kwaka. Kacwalo

Na lata—Na lata fela ku kutaza ka nzila ye Ni ikutwa kuetelwa kuli ni kutaze, mi ni ka nzila fela ye Ni li bona ka yona.

¹³ Mi cwale mwa nako ye, ka kubulela sihulu ka buhali luli, zetata, ze buhali za siemba sa Evangeli, kono, mwa ziba, ye ki ndu ya katulo. “Katulo ikalela kwa” (kakai?) kwa “ndu ya Mulimu.” Kiniti. Kwanu kona ko ku kalela katulo. Mi kuna ni . . . Haiba no kaya kwa kuta kwanu, mi no lukela kuba ni muzeko, bana ni buka ya mulao kwani, bana ni kubala mulao wo, kuli bafumane so ka atulwa ka sona. Mi kona mo kuinezi mwa ndu ya Mulimu, lu lukela ku li amuhela kuzwa mwa Linzwi la Mulimu.

¹⁴ Mi cwale, linako zeñata, mwa lika ze, kuli mubone kuli mwa utwisisa se cwale, kuli, Na kona kufosa. Toloko yaka yakona kufosahala. Kono Ni lika ku I bala fela ka tokomelo, ni kubulela fela inge mo Li bulelela. Muine fela hande ni Mañolo, seo Abulela.

¹⁵ Mi cwale seli fela nto yemaswe, kamba . . . Mwendu ha ki tato ya Mulena, mi mwendi ki yona, Ha ni zibi, zeo, Ni tabela fela kuina biki ni biki mwa Buka ye, ka kuinelela fela kulo fa ni kuli talima hanze likutela ku Daniele, ni Daniele ni Sinulo, ni kutamahana mwa bapolofita.

¹⁶ Mi Linzwi la Mulimu kaufela li tamahanyizwe hamoho likalulo zateni kaufela. Libuka ze sikisite-sikisi, ze ñozwi ka bañoli bababa shutana, mianda anda ya lilimo fahali, mi hakuna nihaiba iliñwi ye kananisana ni yeñwi, hakuna nihaiba iliñwi. Yeñwi ni yeñwi ya yona ibeilwe ka kupetahala. Nekusina nihaiba siemba sa buka se ne si ñozwi sina Yona, mwa lifasi kaufela.

¹⁷ Ba bile cwalo, ka myaha ye likiti zepeli, balika ku cinca Tapelo ya Mulena. Kubeya linzwi ku Lona, kamba kuzwisa Lililiñwi ku Lona, kuli I be hande. Hamukoni fela kueza cwalo. Oh, Li petehile. Ki Linzwi la Mulimu.

¹⁸ Mi Ni lumela kuli—kuli Bibeke ki Linzwi la Mulimu le li susumelizwe. Linzwi la Yona kaufela li susumelizwe. Ha ni lumelie fela kuli *le* ha li si ka susumezwa, mi *le* mi le li susumelizwe, ni *lani* li susumelizwe. Ni lumela kuli kaufela lona Li susumelizwe. Ikana yaba kuli kaufela li lukile kamba li fosahalile; mi haiba Li lyangani, kona kuli ha lu sa ziba sa kueza. Kono Kikuli, kalulo yalona kaufela, ki Niti. Ni itakaleza kufa bupilo bwaka ka nako kaufela kakuli SA BULELA MULENA KISONA siteni mo.

¹⁹ Cwale, cwale bana ni fela masihu alikani aa. Mi, ni bulele cwana, lu kaba ni sebelezo la Pelekelo busihu, ka kuzwelapili fela ka kuswana, ili kuba ni . . .

²⁰ Babañwi ba balikani ba keleke neba bulezi kuli bakaba ni . . .ka kuba ni masila, kutaha mwa keleke kakusasana la Sunda, kuli babañwi ba bona ne ba bulezi kuli ba kabaina kufitela la Pelekelo busihu, kasamulaho wa sebelezo, ni kutusa

ku fiyela mwa kekeke ili kuli sicaba si sike sa taha la Sunda kakusasana, kamba ki . . . kamba ha ba lukeli kusebeza la Sunda, kuli—kuli ba fiyele mwa kekeke. Haluna . . . Lu bata . . . Ha ni wa Sabata, kono niteni Ni tabela kukuteka mi—mi lapelo kaswanelo fela mo Ni konela.

²¹ Mi cwale, he, Ni sepa kuli Ni ka zibahalisa kamuso busihu, mwendi, haiba Mulena alata, se lu ka ambola la Pelekelo busihu.

²² Cwale, busihu boo kikuli: *Nombolo Ya Sibatana*. Mi kamuso busihu: *Liswayo La Mulimu*. Ki zepeli zeo za . . . Na sepa, ki lituto ze butokwa hahulu kuli li bulelwe mwa lizazi le, kakuli Ni lumela kaniti kuli lupila mwa nako ya ku batisisa kwa katulo ya Mulimu ye. Ni lumela kuli lu mwa lizazi lateni luli. Mi ha lu lati kuba baba icemezi. Ha lu lati kuba baba fitelezi mwa tumelo. Lu bata fela ku talimana ni yona ka swanelo fela sina Bibeke mo i ka bulelela fa; mi Sani si petehile, ka niti.

²³ Mi cwale ka kueza se, lu utwa batu babañata hahulu, kacenu, baba bulela ka za nombolo ya sibatana. Mu li utwile fa nako yetelele, “Ki sikamañi seo? Ki mañi ya i eza cwalo? Kikai? Ki mañi ya kaba ni yona? Mi haiba u na ni yona, ki—ki sikamañi se i ka eza kubona? Sikamañi? Sikamañi? Kikuli yakona ku ku holofaza? Kana kuna—kana kuna ni butata ku yona?”

²⁴ Kihande, cwale, zeo kona ze lu—lu bata kufumana mwa Linzwi la Mulimu, taba yapili, “Haiba kuna ni nombolo ya sibatana ye bulezwi mwa Bibeke?” Mi taba yetatama, “Ki lusika mañi ko i ka fumanaha? Mi ki sicaba sifi se si ka ba ni yona? Mi ki sikamañi so kona kueza? Kikuli wakona kuba ni yona kusina kuziba?” Ni zeñwi cwalo, zeo, ona lipuzo fela zeo. Kacwalo, kuya ka kuziba kwaka hande, kuli—kuli ye ikaba iliñwi ya lituto zepeli zeipitezi yeo Ni kona kunahana mwa Bibeke, *Nombolo Ya Sibatana*, ni *Liswayo La Mulimu*.

²⁵ Cwale, sa pili, Ni na ni Liñolo fa la ku bonisa kamba . . . kamba ze ñozwi fela, ili kuli Ni kone ku sikuluhela ku Lona, mi yani ki Muhalalehi . . . Ka kukala, halu boneñi fela nombolo ya sibatana seo ili sona, mi, “Kana ki nto ye maswe kuba ni swayo ye nji? Kana kinto yemaswe nji?” Cwale mwa Sinulo, kauhanyo ya 14 ni timana ya 9, ki liñusa la lingeloi la bulalu. Cwale, munituti wa Bibeke kaufela . . .

²⁶ Ni bona Muzwale Stanley fa, ni bakutazi bababeli kamba babalalu babainzi mo. Mi maabani manzibwana nekuna ni mizwale kwanu bene ba zwa kwa sikolo sa bibeke sa Baptist mwa Louisville, mi mwendi kuna ni babañwi busihu boo. Ha ni zibi. Mi mwendi kuna ni ba Methodist hape, Baptist, Katolika, mi hape kwa kuba ni Mujuda wa Orthodox. Ha ni zibi. Kono ha ki . . .

²⁷ Se ha ki ku holofaza maikuto a mutu; batili kutokwa. Mi ki ka . . . Ona cwalo fela Bibeke mo iñolezwi, ku I bala, nikuli u I talime, wena kasibili. Mi ha lu Li atumeleni fela ka swanelo mo

lu zibela, ka sabo ya Mulimu, ka kuziba kuli Uka lu atula ka manzwi a luna. Manzwi a luna aka lu fuyola kamba ku lu atula ka Lizazi la Katulo.

²⁸ Mi haiba Ni ikutwa kuli kuna ni nto ye Ni ziba, kono na ipulukela yona, konakuli Mulimu uka ni atulela yona ka Lizazi la Katulo; ni mioyo ni mazoho ayona, inge a bulela kuli, “Muzwale Branham, kambe no lu bulelezi fela, ne lu si ke lwaipumana mwa buino bo kacenu.”

²⁹ Ni bata kuyema sina Paulusi wa kale, “Ni lukuluhile kwa mali a batu kaufela. Kakuli ha Ni si ka swabela ku mi zibisa mulao kaufela wa Mulimu.” Yeo ki niti, inge fela mo Ni Li bonela; mi haiba Ni fosa, konakuli Mulimu ani swalele. Lika ze ha li tahi ka . . . Na li kuba ni ye kwa sikolo sa bukutazi, ha ni si ka ya kale kwa sikolo sifi kaufela, na li kuba mutu ni amuhele manzwi a mutu ka Yona. Ne ni keni fela hande mwa Bibehe, mwa tapelo. Mi se si patuluzwi ka Bumulimu ka Moya o Kenile, lona Lingeloi leliswana la Mulimu le li ni zamaisanga kubona lipono ni zeñwi cwalo, ni foliso ya bakuli. Mi mwakona kuatula ka seo kamba Ikona kuba niti kamba nee.

³⁰ Cwale, le ki liñusa la lingeloi la bulalu, kwa lifasi. Mi mwa ziba kana, liñusa la lingeloi la bulalu, lisweli la ezahala cwale mwa lizazi le. Kwa ki kufufa kwa liñusa la lingeloi la bulalu, haiba u mubali wa Bibehe.

³¹ Nekuna ni likoto zetalu ze ne latelezi mwa mulaho. Yapili ne i ezahalezi mwa Ndwa Yapili ya Lifasi. Yabubeli ya ezahala mwa Ndwa Yabubeli ya Lifasi. Mwa bona se lukena ku sona cwale. Ku lukile. Lu kwa mafelelezo a nzila.

³² Cwale ha lubeni ni seo mwa minahano ya luna, lu si ka bala kale Mañolo. Kuya ka swanelo, lu lukela kuba kwa lusika lwa maungulo. Kuisa lili? Ha ni zibi; hakuna ya ziba.

³³ Kono, mutalime, ha lungeni kubulela ka litaba za kale. Myaha ye likiti zepeli za makalelo, mulao wa lifasi wa fita fa halimu, mi Mulimu a sinye lifasi ka mezi. Mwa ziba cwalo? Mi la taha sina lifasi le linca. Mi myaha ye likiti zepeli ya bubeli, la taha kwa mafelelezo a lona hape, mi Mulimu aluma Jesu. Kana ku cwalo? A kona mafelelezo a myaha ye likiti zepeli yetatama, 1954. “Mi Evangeli,” Jesu naize, “musebezi uka pumehela fahali,” (Ka sikamañi?) “ka libaka la baketwa, kamba hakuna nama ye ne ka piliswa,” ne kukaba hahulu bumaswe. Kacwalo lu kwa nako ya maungulo. Mi cwale ya bu sebene, mwa mufuta wateni, ki ya Mileniamu, myaha ye wani sauzande.

³⁴ Sina Mulimu ha na belekile k amyaha ye likiti ze silezi, lu ziba kuli myaha ye wani sauzande. . . “Zazi li liliñwi mwa Lihalimu ki myaha ye wani sauzande fa lifasi,” Pitrosi Wabubeli. Mwabona? Cwale, mi Mulimu na yahile lifasi mwa myaha ye sikisi sauzande. Mi Keleke ya ikataza kulwanisa sibi cwale ka myaha ye likiti ze silezi. Mi ba sebene sauzande, Mulimu a

yo pumula, ni kupumula la busebene; mi cwale ki mufuta wa Mileniamu, Keleke kupila fa lifasi fa, ona mwa mufuta wa mubili woo, ka myaha ye sikiti, kusina matuku, maswabi, matata, kamba lifu. Lusika lolutuna lwani, lwa gauda lutaha cwale! Oh, ka seo! Oh, Na lata pina yani:

Lifasi la tonga, kulilela lizazi la tukuluho
yende,
Jesu ha ka kuta mwa lifasi hape.

Na lata cwalo.

Sibi ni maswabi, butuku ni lifu la lifasi le li nsu
le li ka fela,
Mwa puso ye kanya ni Jesu wa myaha ye sikiti
ya kozo.

Bibele ibulezi kuli, “Ba busiwa ni kubusa ni Kreste myaha ye wani sauzande,” ki Mileniamu.

Cwale, liñusa la lingeloi la bulalu le, bukaufi fela ni Kutaha kwa Mulena, foo Liswayo ni liswayo ha ne li beilwe fateni. Cwale, ku ka yo ba kufelela kwa batu kaufela, kufela kokutuna.

³⁵ Kwa Wiko, ha lu ya, Ne ni ezanga cwalo, Ni bile cwalo kuzwelela inge Ni sa li fela mushimani, ne lu zwelanga kwa Kasa kwa mafelelezo ni kwa Sibuba sa mafelelezo, kuya mwa malundu ku yo matisa likomu. Mi kasamulaho lumano ba ni likomu kaufela zelukona kufumana, kuzwa mwa sibaka kaufela, mi lu puma kwateni kaufela ze sa- . . . zona ze si za luna. Mikwa yaluna ni mifuta, mi kipeto zafiwa mubala. Mi haiba ukile waba fateni . . .

³⁶ Kana kuna ni yakile abona fateni likomu za mufuta wateni? Ki nto ya kutokomela likomu za mufuta wateni. Ne ni utwelanga makeke komu. Mi ki busafa bo bu maswe ha ukala kuta likomu. Kucisa mufuta wabona ka sipi yecisa kona onoli musebezi waka, kunanulanga sipi yani. Ni ku i toma fa namani inge ibutile cwalo, ni mahutu ayona afungilwe; ni kuibeya zibahazo yani kuyona, mi bulizi ni nama inge li halikeha; kubeya fateni lisuzo nyana, ni ku i tamulula. Mi mubulela ka kutakisa! I ka mata luli. Kono, mutalime, ina ni swayo.

³⁷ Mi cwalo kona Mulimu mwa lu ezeza. Muna ni kuya kwa katala ku yo nga lingili, fa ni fa. Kono, muzwale, Moya o Kenile ha u kutisa mufuta wa hao, wakona kuezwa kuli babañwi ba mata inge ba huwa, kono u zibahala. Yeo ki niti. Muteni foo. Mulena hao ha ka taha, Wa ziba ko wela.

Kono, oh, kwa namani ye yembuluka yani, yena mutu ya hanilwe yani kuli akutisezwe mwahala ba—ba ba mwa hae.

³⁸ Cwale, nako ye tomilwe. Mi cwale ku kaba fela bapahami bababeli ku se, baba kaba Mulimu ni Satani. Satani uka nga za hae, mi Mulimu uka nga za Hae. Busihu bo lu ka bona baba tinile

mufuta wa Satani, mi kamuso busihu lu ka bona ya apezi mufuta wa Mulimu, kuya ka Linzwi la Mulimu.

39 Cwale ki le liñusa la lingeloi, timana ya 9 ya kauhanyo ya 14. Mubale Mañolo nyana fa, o Ni ñozi. “Mi lingeloi . . .”

Mi lingeloi la bulalu la ba latelela, lali ka linzwi le lituna, Mutu ha sa kubameli sibatana ni siswaniso sa sona, ni kuamuhela nombolo ya hae fa pata ya hae, kamba . . . lizoho,

Ba ba swana ba ka nwa kwa veine ya buhali bwa Mulimu, ye suluha ni ze kopanyizwe ka sinwiso sa buhali bwa hae; mi . . . ba ka nyandiswa ka mulilo ni sulufura fapila mangeloi a kenile, mi fapila Ngunyana:

40 Luli musike mwa ba ni sa kueza ni seo! Mutalime.

Mi musi wa nyandiso ya hae wa kambamela kwa lihalimu kamita ni mita: mi habana kozo musihali kamba busihu, baba lapela sibatana ni siswaniso sa sona, mi kaufela ya amuhela nombolo ya libizo la hae.

41 Ha ni lati kueza sika ka sona, Na ziba. Eehe. Muteezele kwa timana yetatama, ha Ni nze ni italima.

Ki bo fa tibeledo ya ba bakenile: ki ba ba ba buluka litaelo za Mulimu, ni kuba ni tumelo ku Jesu Kreste.

42 Cwale kauhanyo ya 15, ni timana ya 2. Mi ni . . . Muteezele cwale, mwa kauhanyo ya 15 ni timana ya 2. Cwale, ne lusweli kubala kuzwa fa 14, ni timana ya 9. Cwale ya 15, ni timana ya 2.

Mi la pili la ya, mi la yo sululela lunaka lwalona mwa lifasi; mi ki ha kutaha lilata . . . litombo ze sabisa mwahala . . . bene ba amuhezi nombolo ya sibatana, ni fahalimwa baba lapela siswaniso sa hae.

Kauhanyo ya 16 ni timana ya 2.

Mi malena ba lifasi ba ezize buhule ni yena, mi baba yahile mwa lifasi ba kozwi veine ya buhali bwa buhule.

43 Fa muzuzu fela. Mu ni swalele. Na sikuluha, na lukela kutula bababeli ka nako iliñwi. Ku lukile. Cwale kauhanyo ya 20 ni timana ya 4. Ku lukile, ki luna ba fa.

Cwale Na bona mabona, ni babane bali kubona, mi katulo ya fiwa kubona: mi Na bona mioyo ya bona yene lekilwe kwa toho bakeñisa bupaki bwa Jesu Kreste, ni kwa linzwi la Mulimu, mi ba ba si ka lapela sibatana, kamba siswaniso sa sona, kamba nihaiba kuamuhela nombolo fa lipata za bona, kamba mwa lizoho la bona; mi ba pila ni kubusa ni Kreste myaha ye wani sauzande.

44 Halikoni kuamuhela nombolo ya sibatana mi ni kulapela Kreste kamba kuba ni Yena. “Kono yo kaufela ya ka lapela sibatana kamba siswaniso sa sibatana, ba ka nyandiswa fapila

Mulimu mi fapila mangeloi a kenile.” Sani kona sa bulela Mulena ka sona.

⁴⁵ Cwale lu ka kalisa. Amu apule mwa Bibebe ya mina cwale mwa kauhanyo ya 13 ya Sinulo, mi lu ka kala fela ka mizuzu yelikani. Cwale se ki sa butokwa luli. Mi muteeleze ka tokomelo cwale.

⁴⁶ Pili, lu bata kunga tuto yaluna kuzwa maabani busihu. Maabani busihu ne lungile ka masika a likeleke, kuli, mo ne lu bonezi Jesu inza yemi mwa Keleke ya Hae, “Kubulela sina linzwi la mezi amañata; mi Nana ni milili sina boya bwa ngu; meto inge malimi a mulilo.”

⁴⁷ Muhupule, kaufela li—li Sinulo ki pono, ni mulao. Kaufela zona lina ni taluso, kacwalo muna ni kutokomela hande. Mubale baplofita, mubone seo lisupo litalusa, konakuli mubapise fa ili kuli muzibe seo lisupo litalusa luli.

⁴⁸ “Nana ni meto sina mayekuyekuyekuyeku a mulilo,” inge a kiba kiba kiba kiba mwa lifasi. Mi lu fumani kuli malimi ani, inge. . . “Mikwale, mukwale wa zwa mwa mulomo wa Hae, mi mukwale o lozizwe kafa ni kafa,” mi lu fumani kuli lani neli Linzwi la Mulimu lene li zwile mwa mulomo wa Keleke. “Mi mane Ne li ka pumahanya kwa mooko ni masapo, mi li lemuhale milelo ni maikuto a mwa pilu,” Maheberu kauhanyo ya 4.

⁴⁹ Ne lu fumani Keleke inge iyemi fani mwa bunde bwa Yona; Krete na bupilwe fela ku Yona! Mi Keleke ne ina ni “sapalo se sisweu” se si apezi. Mi mu lemuhale, Ne li musali, “wa fa lizwele,” Ne si ti lo apesa maswabi a Hae; mi nana ni “muhala wa gauda” wa na itamile, wa na itamile fa sifuba. “Busweu,” kubulela ka kuluka kwa Krete; mi ni “muhala wa gauda” u yemela Evangeli. Kutazo ya Evangeli itisa Moya o Kenile fahalmwa Keleke, kuluka kwa Krete; ku ibuluka ona fani, inge utamilwe kwa muhala, muhala wa mwa teka.

⁵⁰ Mi ki Ha yema fa, “mahutu inge sipi, ye ne cisiwa mwa ondo ya mulilo.” Sipi ibulela za katulo ya Bumulimu. Mi Mulimu, ka kutabisa buitamo bwa Hae bwa Na ngile, A luma Krete, mi Krete alifa katulo ya Bumulimu. Mi kipeto Keleke iitingile fa katulo ya Bumulimu, Krete uyemi mwa sibaka sa Yona. Ha ki siswaniso kwa bunde ni seo, “Kuyema mwa Likandela za Gauda ze Supa!”

⁵¹ Mi cwale lufumana kuli, lusika lwa keleke yapili, sene ba nani. Ki babakai bene bali mo maabani busihu, Na bona lizoho la mina? Ku lukile, zeo ki zende. Lusika lwa keleke yapili, lu fumani kuli, mwa Lusika lwa Keleke ya Maefese, nebana ni kolobezo ya Moya o Kenile. Mi ba kolobeza batu mwa mezi, mi nebana ni. . . Lisupo za mifuta kaufela ni ze komokisa ne li lukela ku zamaelela ni mulumeli.

52 Mi ni ka mo, mwa lusika lwa keleke ifi kaufela, Ne li kalile kutima. Ka nako ya bubeli, ka linako za bulalu, mi ni mwahala lusika lwa lififi. Mi ba taha ni libizo la buhata, ka kolobezo ya buhata, bubeli bwa mezi ni Moya o Kenile.

53 Mi cwale ba taha cwalo, lusika lo lutatama, mi ba monyeha fa nako nyana. Mi cwale nekuna ni sikwalo sene si tomilwe, kwa ku kwaluha, mwahala Filadelfia ni Lusika lwa Keleke ya Laodesia.

54 Mi cwale Laodesia ya enya fela ni kuzwa ku Zona kaufela, kufitela Mulimu a li sululela mwa mulomo wa Hae. Yeo ki niti. Ao ki Mañolo.

55 Mi mubali wa litaba za kale kaufela ni mulumeli wa orthodox kaufela wa ziba kuli Masika a Likeleke Zesupa ani, kamba “Likandela ze Sebene za Gauda,” sina Bibehe ha i bulezi, neli Masika a Likeleke Zesupa. Sina mwa mifuta ya Testamente ya Kale ni kuye Nca ye, mi ona cwalo fela mo ne liyeha.

56 Kono ku lukela kuba ancafazo yetuna ye zukuzwa ni ancafazo lu si ka kwala kale wa lusika lwa Bamacaba, Majuda ba si ka I pamula kale hape.

57 Muhupule, Bamacaba ba fita fela fa nako nyana, ki nako yelikani ya muhau. Bibehe ibulezi kuli, “Ba ka hatikela mamota a Jerusalem,” Jesu naize, “kufitela nako ya Bamacaba i petahala.” Yeo ki niti. Ina ni nako ye swanela ya kufeza.

58 Mi lu fumana lika zene ba ezize kwa mulaho kwani. Lu lemuhali lisupo ni ze komokisa ze ne ba latelelanga mwa mulaho, ka mo Krete na ba bulelezi mo ne libezi zende, ni mo ne ba inezi. Mi Liseli la kala kuya litima ni kutima, kuya kwande. Mi cwale ka kukwala fela, nekuna ni kuba sikwalo sesiñwi se si kwaluhile sene si tomezwi Keleke. Cwale ha lu yemeleñi ona fa lusika kena kale ku zona. Mulemuhe, ha lu ngeni sipolofita sesiñwi se si taha mwa munahano waka. Mupolofita naize, “Ku kaba lizazi ha ku si ke kuba busihu kamba musihali.”

59 Kana Na huwa luli? [Kopano ili, “Batili.”—Mu.] Haiba ukona, mwakona ku kena mwa sika sani . . . Ni ziba kuli la kuta mwa mulaho, mi leo kona libaka ha Ni bulela ka kuhuwa nyana, kacwalo sicaba kwa mulaho si ka ziba hande kuli ba si utwe. Kakuli, Se ki sa butokwa luli.

60 “Mi ku kaba nako, lizazi,” mupolofita ali, “le li sike kuba busihu kamba musihali.” Ka manzwi amañwi, ku kaba liseli, kono ku kaba ni malu, mwabona, lizazi la malu. “Kono mwa nako ya manzibwana kukaba Liseli.” Ha ki siswaniso kwa bunde ni seo!

61 Cwale, ha li yo pazula ka lizazi la hae la malu, fo ki kutalusa kuli ku kaba lindwa, ni matata, ni matata ni masulungundu, ni masika, ni likeleke, ni tutengo, ni lika kaufela. Halina kuba liseli kamba lififi. Ikaba nako ye lu ziba kuli kuna ni Mulimu, mi kuna ni Evangeli, kono fela habakoni kubona ku Yona. Mwa ziba se

Ni talusa? Ba ka li, “Bibele ibulezi kuli ne ba ezize cwalo kwa mulaho kwani kwa Pentekota, ne ba ezize cwalo mwa Keleke yapili, nebana ni lisupo ze ni ze komokisa, kono keleke—keleke ya luna ha iluti litaba Zeo.” Mwabona, ki malu, ha ki lizazi le li unsufezi. “Kono, ibo, lwa lumela ku Jesu Krete. Lu lumela mwa Kutaha kwa Hae kwa bubeli, mi lu ziba kuli Wa taha.”

⁶² Bibele ibulezi kuli, “Halina kuba liseli kamba bunsu.” Hamukoni ku libiza musihali wani, mi hamukoni ku li biza busihu. Kono, mulemuhe, “Mwa nako ya manzibwana kukaba Liseli,” mwa nako ya manzibwana!

⁶³ Mi sicaba sa kwa upa. . . Buka ye ki Buka ya kwa upa; ki Bibele. Mi Liseli pili ha li to pazula mwa Keleke ya pili, ya Efese, kihande, lu ma membala ni kuli luboni se si ngile sibaka; ona Liseli la Mulimu le li tisize ka Jesu Krete, ka kusuluha kwa pili kwa Moya o Kenile. Ne si file Liseli kwa lifasi kaufela, ni kuñola Bibele. Kana ku cwalo?

⁶⁴ Cwale Na sepisize, fa lifasi la kwa wiko, lizazi li pazulelanga kwa upa, kwa simuluho ya kalulo ya sishemo, mi cwale lizazi liinzi kwa wiko, kwa sicaba sa kwa wiko. Lu sicaba sa kwa wiko. Mi Na sepisize kuli ku kaba ni ancafazo mi ku kaba Liseli mwa nako ya manzibwana. Ki luna ba fa. Liseli la benya, “mi lififi ha li si ka Li utwisisa.” Kona cwalo. “Batu ba lata likezo ze maswe zende kufita mo ba ezeza likezo zende.”

⁶⁵ Kono ibata fela kuwela kwabuse bwa mbyumbyulu. Mi ni Liseli nyana leo le lunani, kumalela ku Sona. Mutalime, Ki lona lizazi le liswana lene li zuhile kwa Majuda, le li inzi fa Bamacaba. Mwahala lusika kaufela mo, mwahala myaha ye likiti zepeli ye, nebana ni se, ni sani, ni likopano ni likalulo, ni se ni sani. Mi sicaba ha si zibi fo ba yemi.

⁶⁶ Kono lisepiso za Bibele, Mulimu na ezize, ka mupolofita, kuli, “Mwa nako ya manzibwana kukaba Liseli.” Ku kaba Liseli mwa nako ya manzibwana. Ni lumela kuli luteni mo. Lizazi la likela. Zebupilwe kaufela za tonga, li lilela lizazi lani. Mulemuhe.

⁶⁷ Cwale lu fumana cwana, kuli, sene ba nani kwani kwa lusika lwa keleke yapili, ba amuhela tuto yenca. Taba yapili, ya to ba fela “likezo.” Ki hali, “U toile likezo za Manikolai.”

⁶⁸ Ha ni zibi kuli Manikolai nebali sikamañi? Ni kena mwani, ni kupunya kwa litaba za kale, kukuta kutela ni kukuta kutela cwalo, ka litaba zende ze ba bulezi babañwi ku ze Ni konile kufumana, mi hakuna mutu ya kona kuziba, konji haiba neli tuto yene kalisizwe ki mutu, Nic, Nicolas, ya na lukela kuba alimuñwi wa baapositola ba mufuta o no yambaezi wani. A mu beya lituto za litumelo, kamba nto yeñwi cwalo, mi kuzwa fani kwa taha Manikolai. Ne li likezo, pili. Mi cwale “likezo” mwa Efese, mwa lusika lwa keleke yetatama yaba “tuto.” Mi ni kukena mwa masika a lififi a nyandiso.

⁶⁹ Cwale yona tuto yeswana ya Manikolai yene kalezi mwa keleke yapili, kasumulaho wa linako za makalelo zetalu kamba zene za baapositola, za ba kezo. Ba kala kunahana kuli, “Kihande, se sikaba Sona.” Cwale kaufela mina mwa ziba mo li tahela, ni mina babali ba Bibebe.

⁷⁰ Cwale, ne li kalile ka A.D. 600 mi. . . kamba 306, se ba biza kuli cinceho ya Constantine. Na si ka baka kale. Mutu ya na ka eza lika ze masila za na ezize mutu yani, na si ka baka. Yeo ki niti. Taba fela ya kile aeza, yene nani mufuta wa—wa bulapeli mwahala bona kaufela, a beya sifapano fa keleke ya Saint Sofia. Kana seo ne si sona, sa kuya kwa Lihalimu? Ku lukile. Na bulelezi Bakreste, haiba na ka koma ndwa yani, na ka ba Mukreste. Mi ba lapela. Mi ki ha ya ku yo koma ndwa, kamba kuwina ndwa, mi ki ha kuta ni kubulela kuli, “Kihande, Ni ka ikopanya kwa keleke.” Ki mufuta omunde luli wa membala wa keleke ya enya fela kacenu. Yeo ki niti. Mubeye sifapahano fa keleke.

⁷¹ Kasumulaho wa lifu la hae. . . Nana ni bana bababeli ba bashimani, bana babalalu; Constantine, Constantius, ni Constans-tinople, ye ne kalile kutisa Rome wa kwa upa ni wiko, mi se ba ikaba. Mi mwani, cwale, kwataha Ottoman Empire, mwahala nako yani.

⁷² Mi cwale, bona, ka nako ya bubeli, kamba ya bulalu, nako ya bune ya baapositola; mi cwale, taba yapili mwa ziba, ba kala ku kananisana mwahala bona. Mi ba ikaba, kutwano nyana.

⁷³ Mutu kaufela, munge keleke. . . Kwani, fani keleke ya ba ha Wesleyan yani hane ili mwa mata, nali mata fani John Wesley hanali kwanu. Ba Lutheran nebali cwalo, mwa lizazi la bona; mi mañi ni mañi. Kono mutuhele kuli mukalisi a shwe, hañwi, mi kipeto ba ikela.

⁷⁴ Fani Mulena hana bonahalile kwa mulaho kwani; hane ba bata kuli ni kalise, kueza kopano ku Se, ni zeñwi ze cwalo. Ne ni tile kwanu, mi Na bona koo Dwight Moody, mukalisi yomutuna, kwa Moody Bible Institute. Mi Na hupula kuli, “Haiba Dwight Moody na ka talima fa Muyaho wa Bibebe wo; sa na yemezi muuna yani, ni sa eza cwale!”

⁷⁵ Kihande, se Nili, “Talima kwanu, talima, kucwani haiba—kucwani haiba Wesley, Calvin, Knox, Finney, Sankey, kamba Finney, ufi wa bona kaufela, wakona kutaha kacenu, ni kubona keleke ya bona fo iinzi!” Oh, mawi! Mwabona, ka nako yapili, mutu ha yemi fani, u sweli Niti.

⁷⁶ Mutalime Dr. Dowie mwa Munzi wa Sione, kiñi, kacenu, ba seha fapila foliso ya Bumulimu, mi mwa—mwa munzi no liteni mwani. Kono fani Dowie ha to shwa, mi se kutaha ni. . . Blake, John Lake ni bona kaufela. Mi, taba yapili mwa ziba, na holofalize cwale kufitela ba Assemblies of God ba kena ku yona,

ni sikwata sesituna sa mifuta ni lika kaufela. Mi ni—ni keleke iicongile ni kuwa mwa tumelo, mi ni mwa buino bo bumaswe.

⁷⁷ Kacwalo Na fumana cwana, Biblele iize, “Davida na sebelize Mulena mwa lusika lwa hae.”

⁷⁸ Kacwalo se Nili, “Mulena, Ha ni lati kopano ni yekana. Ni Ku sebeleze ka pilu yaka kaufela, ha Ni sa pila mo.” Yeo ki niti. “Se si tatama, Ukaba ni muuna usili ha Ni ile. Ukaba ni yomuñwi ya ka nga sibaka sa hae.” Ku felile.

⁷⁹ Musike mwa lika kuyaha ku sesiñwi. Hamukoni kuyaha mulilo fa mubu o swana. Isilaele nana ni kubuluka musipili. Ha ba yo tuhela, ba wa mwa tumelo. Ne ba na ni kuzwelapili ku zamaya busihu ni busihu; ne ba tumbuzi mulilo o munca busihu ni busihu; kuzwelapili fela ku zamaya. Mi sani kona se lu lukela kueza. Sa na nani Luther neli sesinde; sani neli sa lizazi la Luther. Sana bile ni sona Wesley; lani neli lizazi la Wesley. Sana bile ni sona kukena, sani neli sesinde; lani neli lizazi la bona. Lu pila mwa lizazi leliñwi. Cwale lu—lu sweli kuzwelapili. Mi kuna ni lizazi mwa mulaho wa luna, li ka taha fela ka kuswana. Kono ha lu zamayeñi mwa Liseli foo Liseli ha liliteni faa.

⁸⁰ Cwale, mi Ni lemuha se, kuli, mwahali mwani tuto ye ibile, taba yapili mwa ziba, kufitela i taha mwa sikwata sa milao ya tutengo, mi Maroma ba baka. Cwale, mpi ya Maroma, kuzwa mwa mazazi a—a Rome ha i to hapa lifasi la Bamacaba kwa Greece, kasamulaho wa kuwa kwa Alexander Yomutuna, ubile naha ye hatelela mwa lifasi; sicaba sa Maroma, lusika lwa Bamacaba. Daniele na bulezi cwalo, mwa pono. Lu ka fita ku yona, mwa—mwa mizuzu yelikani. Kono kamita ibile mata a hatelela mwa lifasi; mwa Maroma.

⁸¹ Mi cwale lufumana cwana, cwale, kuli ne ba ongaongilwe keleke. Sikwata sa batu sa taha hamoho, mwendi ka 606, ni kuipiza kuli, “bashemi ba kale,” bashemi ba keleke. Likwata za batu za taha hamoho ni ku to swala katengo ka se ba lukela kueza, mi ba toma katengo.

⁸² Mi haluboneñi ni bulele fa, balikani baka babande ba Bakreste, bubeli bwa Baipanguli ni Katolika. Mi cwale, Ni sepa kuli Ni na ni balikani ba Katolika babainzi mo; Ha ni buleli cwalo kuli ni mi utwise bumaswe maikuto a mina. Kakuli, mu libelele fela fa mizuzu yelikani, mi luka nga Branham Tabernacle ku yona hape, mwabona, fa muzuzu fela. Luna ni fela ku kutaza Evangeli sina mo I beezwi fa. Hakuna taba kamba. . . Joani naize, “Silepe se ne si yendekilwe kwa mubisi wa kota,” mutuhele kuli libyana li fufe kaufela ko li lata. Yeo ki niti. U lukela ku lemaka likota ni lika zeñwi.

⁸³ Kono, mutalime, mwahali mwani ne ba ongaongile keleke yapili. Mi ba taha hamoho ni ku ongaonga keleke yapili, yene bizwa keleke ya silundwamanji, kamba keleke ya Katolika mwa Rome. Mi ba Katolika ba bulele kuli ki yena “keleke ya

mushemi.” Mi yeo luli kona niti. Ki yona keleke ya mushemi wa kopano. Kiniti. Ki nako yapili, mwa litaba za kale za lifasi, keleke ye kile ya ongaongiwa fateni; ya li kuba cwalo, kuzwa kwa makalelo a nako.

⁸⁴ Mwahala mazazi a Isilaele, ne ba si—ne ba si kopano. Nebali lusika, isiñi katengo. Mi bona . . . Jesu Kreste na si ka ongaonga keleke. Hakuna ni yomukana wa baapositola yakile a ongaonga keleke. Mi hakuna nako mwahala zona, kasumulaho wa masika amalalu kamba amane kuzwa ku ona, kana ne ba ongaongilwe keleke nji. Ni bata kuli mutahe ni litaba za kale mi mu supe munwana wa mina fa . . . Mu ni bonise fo i inzi. Mi Ni balile Josephus ni baituti ba litaba za kale kaufela bo lunani mwa lifasi kacenu, kuli Na ziba, kakuli Ni lukela ku ikolwisisa. Ni bulela taba ye fapila likiti za batu; u swanela kuyemela zeo ni ku paka litaba zo ambola fateni. Yeo ki niti. Kwali kuba kube kopano ni yekana. Mi hakuna . . .

⁸⁵ Mi Muhalalehi Pitrosi na si ka kalisa keleke ya Katolika. Ni bata iliñwi ya litaba za kale, kamba siemba silisiñwi sa Mañolo. Muhalalehi Pitrosi neli muuna ya nyezi. No bulezi kuli nali pope. Na si ke kuba pope. Pitrosi neli muuna ya nyezi. Biblele ibulezi kuli, “Bo mahe ne ba kula butuku bwa—bwa fibebe, mi Jesu a ba folisa.” Mi kuya ka mo Ni zibela, Muhalalehi Pitrosi na si yo mwa Rome. Mi hakuna litaba za kale zekile za bonisa kuli nali mwa Rome. Mi ao ki mafosisa.

⁸⁶ Kono ba ikongakonga ni kuina hamoho keleke yebizwa keleke ya silundwamanji. Kwani ba eza tapelo ya silundwamanji. Nebana ni kutwano ye petehile; mañi ni mañi nana ni kuba hamoho, mañi ni mañi na bulela nto yeswana. Tapelo yeswana ne i bulezwi.

⁸⁷ Mi ba ikezeza sikwata sa Mañolo, kuba zwisa mwa Biblele, buñata bwa bona, ni kupanga babañwi. Hakuna limbo ze bulezwi nako yeñwi mwa Libuka ze kenile kaufela za Biblele; hakuna za kuli “lumela Maria,” hakuna ze cwalo. Kamita za shutana, ku li lwanisa, kai ni kai mwa Mañolo. Kwali kuba kube cwalo, ka nako kaufela. Mi haiba mufumana sibaka sifi kaufela, muna ni lithonolo la kutaha kamuso busihu ni ku ni sikulula. Ha li li yo kwani, kai kaufela; tisa muprisita wa hao kamba mulisana. Hakuna sibaka, mwa Mañolo, ko li bulezwi.

⁸⁸ Buka fela yenyinyani, ya ba Makabee, ye ekelizwe ku Yona, ye si ka susumezwa; lika ze ne beilwe ku Se, kamba kuzwisa ku Se. Biblele ye kona fela Inosi. Mi . . . Se li lemuhilwe ka bakalisi ba makalelo, kamba ufi kaufela wa litaba za kale za keleke, kamba nako ifi kaufela ya Majuda ba Orthodox, mi hakuna sa na lemuhile kwanda Biblele ye lunani kacenu.

⁸⁹ Cwale, he, ku zeo, muteezeze ka tokomelo cwale. Cwale mu nahana kuli ba Katolika basweli kuba ni za kutapa? Fa nako nyana fela, mwabona.

⁹⁰ Cwale, mi ba ongaonga keleke ya Katolika, mi ba kalisa nyandiso, kuli ne ba ka. . . Ne muna ni kueza mutu kaufela, kai ni kai, keleke ni naha, ba kopana hamoho, ni kutisa kuzwa ku Rome wa buhedeni kutaha ku Rome wa bupopu. Ka manzwi amañwi, kuzwa kwa kuakaleza kwa buhedeni, ba añula Bukreste mwa mufuta wa bona. Mwabona? Ne ba si ka utwisisa libaka muuna yani ha na yemi ni kulapela kusina libaka. Nebali mahedeni, kacwalo ba nga fela Venus ni kubeya fateni Maria; ba tulukisa Jupiter, ba beya fateni Pitrosi; mufuta wa siswaniso sa kulapela. Cwale, mi ba lapela sapili. Mi ba eza tapelo ya silundwamanji, ba bulela ka si Latin kuli li si ke za palelwa, ni zeñwi cwalo, ne ba bulelanga kamita ona cwalo.

⁹¹ Mi hamukoni ku ambola kamba ku kanana ni muprisita wa Katolika, kamba hakuna wa Katolika, ka mayemo a Bibebe.

⁹² Alimuñwi nainzi, muprisita yomunyinyani yo kwanu, nainzi mwa ndu yaka fa nako nyana yefitile. Ki hali, “Mina Baipanguli, mubalile Bibebe ni kuina kwa ndu. Luna ba Katolika muye kwa keleke mi mu lapela.”

Se nili, “Kono sikamañi? Kona cwalo. Cwale ni alabe.”

Ki hali, “Mulimu u mwa keleke ya Hae.”

⁹³ Se nili, “Yena. . . Hakuna nihaiba katowati kalikañwi ka Mañolo kaka bulela cwalo.” Se nili, “Mulimu u mwa Linzwi la Hae. Mi ali, ‘Linzwi la mutu kaufela libe buhata, mi la Ka libe la niti.’”

⁹⁴ Ki hali, “Musike mwa nahana kuli sikwata kaufela sa baana, ku swalisana hamoho, kwa kona kuba mata amatuna kufita kuba mutu alimuñwi?”

⁹⁵ Se nili, “Batili. Haiba mutu alimuñwi u mwa tato ya Mulimu, una ni Niti.” Kamita na bonisize cwalo.

⁹⁶ Sina ku Jehoshafati ni Mikaya, lituto ze ne lubile ni zona zazi leliñwi, Sunda yefelile, fani Mikaya hanaile kwani. Mi bakutazi baba mianda yemine inge bayemi, bali, “Zamaya ukambame! Mulena una ni wena. Zamaya ukambame! Mulena una ni wena.”

Jehoshafati ali, “Kana hakuna nihaiba alimuñwi mo?”

Ki hali, “Kuna ni Mikaya, kono Ni mu toile.”

Ali, “Ha lu utwe sa bulela.”

Ali, “Zamaya ukambame, kono Ni bona Isilaele uhasani sina lingu.”

Ali, “Kana ha Ni si ka kubulelela?” Mwabona?

⁹⁷ Kacwalo, ki mañi bulela niti, kwani? Bapolofita baba mianda yemine baba lutilwe inge bayemi fapila muuna yani, mi ibo mupikuluhi fela alimuñwi yana pazauhile na yemi kwa mulaho kwani nana ni niti. Yeo ki niti. Yeo ki niti. Na ezize. Nana ni niti. A bakuliwa fa mulomo ni kunatiwa, ka zona, kono nana ni niti.

98 Kacwalo hakuna taba kamba ki babakai baba bulela *se*, kamba ki babakai baba bulela *sani*, ki sesili SA BULELA MULENA KISONA. Yeo ki niti. Mu lukela kuyema ka mina bañi, linako zeñata, ha mu ka yema fa Linzwi la Mulimu, kono mubone kuli mwa yema sa bulezi Mulena.

99 Cwale, ne ba ongaongile keleke ye, mubili omutuna, keleke ya Katolika, yeli lituto za makalelo za bulapeli kaufela, kacenu, mwa sibaka sa Bukreste, ki Bukatolika. Kono ba li, “Ha u tokwi. . . Ha lu tokwi. . .”

100 Mu li, “U fumana kai ‘kusina kuca nama’? Ki kai ko mu ngile litaba zakuli ‘muprisita ha nyali’? Mu zwisa kai lika zeo?”

101 Ali, “Ha lu luti Bibebe.” Ali, “Keleke ki linzwi. Hakuna taba kamba Bibebe ibulela sikamañi; ki se ibulela keleke.”

102 Kono Mulimu ali, “Linzwi la mutu kaufela libe buhata, mi la Ka libe la niti.” Cwale muna ni kunga keto ya mina.

103 Cwale, Bunikolai bwani ne se bu bile tuto, mi ni kuba nyandiso. Cwale, ki se fa litaha mwa mazazi a maungulo. Mi se kutaha sibuba, mwahala masika a lififi ni nyandiso; mi kwa taha za ku kambama, ka za kuongaonga kwa pili, yeneli Martin Luther. Martin Luther na nyazize keleke ya Katolika, bakeñisa sani aya ku yo ca mulalelo wani. . .

 Mi se bali, “Wo ki mubili wa Kreste.”

104 Ki hali, “Ha ki mubili wa Kreste. Ki ka mbisikiti. Kona fela mo kuinezi.”

105 Ba lumela kuli ki silalu se si kenile, ili, “*Silalu se si kenile* si talusa ‘Moya o Kenile.’ Mi ha u ca sani, u kenya Moya o Kenile mwa mubili wa hao.” Mi ao ki mafosisa.

 Moya o Kenile kona kolobezo ya Moya.

106 Isiñi, “Mi Lizazi la Pentekota ha li tile, muprisita ataha ku to fa silalu se si kenile, ka mbisikiti fa lulimi lwa bona.” Kamba nee, “Mukutazi yomuñwi na pahami ni ku hasaka mezi, ni ku swalana mwa lizoho,” niteni. Batili, sha.

107 “Kono kwa taha mulumo o zwa kwa lihalimu inge moya wa liñungwa, ya tala ndu kaufela mo ne bainzi.” Ao ki Mañolo. Yeo kona niti. Sani kona sene si ezahalile mwa Keleke yani, mi sani kona se si ezahalile Liseli ha li monyeha mwa lizazi le. Kwani kona Liseli ko ne li kalezi ona kwani; mi fa kona foo Liseli lipazulela ona fa.

108 Cwale haiba Liñolo lifi kaufela, le Ni bulela, ha li utwahali hande, mu li beye fela fa. . . Ni ka mifa sibaka fo si fumaneha, mwabona, mwa Mañolo. Ku lukile. Kakuli, mwa nako nyana fela sina cwana. . . Hañata, ha lu kamuna ka Zona, lunga lisunda ni likweli. Liñolo kaufela, mu li shetumune, sicaba si be ni Libibebe za sona. Kono, haiba I buzizwe, mu ni zibise fela. Ku lukile.

109 Mi, Martin Luther. Mi, mwa mulaho wa Martin Luther, kwa taha John Wesley.

110 Martin Luther ataha ni katekisema, lika zeñata luli. A taha ni kolobezo, ataha inza fa bulalu, kolobezo ya bulalu bwa bumulimu ze ne si ka lutiwa mwa Bibebe, ne li si ka lutiwa mwa Bibebe. Ne ku sina mutu yomukana ya kile a kolobezwa ka kolobezo ya tumelo kuzetalu, mwa Bibebe. Haiba ku cwalo, taha u to ni bonisa fo liinzi. Ha li yo mwatani.

111 Nzila fela yene ba lumilwe kuli ba kolobezwe ka yona, neli kuli, “Muye mu lute macaba kaufela,” Na bulezi kwa mulaho kwani kuli, “ni ku ba kolobezwa ka Libizo,” isifi ka libizo, “kukena mwa Libizo; Ndate, Mwana, Moya o Kenile.” Mi balutiwa ba fetuha ni ku kolobezwa mutu kaufela ka Libizo la “Jesu Kreste,” mi, ni kulumiwa kuli haiba ku kile kwa ba mutu ya kile a kolobezwa ka nzila ifi kaufela, nebana ni kutaha ku to kolobezwa sinca hape ba si ka amuhela kale Moya o Kenile. Mi se kutaha keleke ya Katolika mwatani . . .

112 Mubeye sibaka silisiñwi fa Bibebe fo mutu ufi kaufela akile a kolobezwa ka libizo la “Ndate, Mwana, Moya o Kenile.” Zeo ki lika zende, nji cwani? La Pelekelo busihu ki yona puzo ya busihu, Ni ka i amuhela, lu ka i otolola hande. Ku lukile. Ku lukile. Ni bata kuli mutu kaufela yakona ku ni bonisa sibaka silisiñwi ko mutu ufi kaufela akile a kolobezwa ka libizo la “Ndate, Mwana, Moya o Kenile,” Ni ka zwa fa katala ni kubulela kuli Ni muipi. Mi mutu kaufela na kolobelizwe ka nzila isili kaufela, nana ni kutaha ku to kolobezwa sinca hape ka Libizo la “Jesu Kreste,” ku amuhela Moya o Kenile. Yeo ki niti. Kona se ibulezi Bibebe.

113 Cwale, mwa bona, lunga tuto mwa sibaka sa Niti. Cwale mutalime fa Mañolo. Musike mwa bulela, kuli, “Kihande, Muzwale Branham ubulezi.” Mu talime Mañolo cwale. Munge buka ya litaluso za manzwi mi mu i talime. Mi cwale haibile fela . . .

114 Mu lemuhe, yeñwi ni yeñwi ya masika a likeleke ani neina ni Libizo la Hae, kufitela litaha mwa lusika lwa keleke ye nsu ye.

115 Mi, amutalime, zeo litaipilwe kwa mulaho kwani mwa—mwa keleke ya Orthodox. Fani lusika lwa lififi ha ne lu luli ku lona, lwa Majuda, neli fani Akabe, mwa kalanjo wa—wa mulena yomutuna fapila hae; mane ku si ka baka zeo, nekuna ni Isilaele mwa buino bo bu iketile. Mi Akabe ataha sina mulumeli wa sihalihali, buino bo bu enya fela, mi ayo nyalwa ku mukwa wa mulena wa musali, Jezabele, yanali mulapeli wa milimu, ni ku mu kenya mwatani, ni kutisa bulapeli bwa milimu mwa Isilaele. Kikuli ha mu hupuli cwalo? Ona mufuta omunde luli.

116 Fani Buipanguli ha nyalwa mwa Buroma, ba tisa milapelo ya milimu hape mwa Bukreste, mwa lusika lwa lififi; handende—handende, ka sibaka sa mubu.

117 Cwale mutalime ha li taha kwa neku le. Fa muna ni sikamañi? Sa kuyolisa Moya o Kenile; ka mbisikiti. Sa kuyolisa kolobezo ya mezi ka Libizo la Jesu Kreste; Ndate, Mwana, Moya o Kenile. Ne ba yolisize lika kaufela. Na kona kunga ni kubonisa ka Mañolo; kuyolisanga siemba sa kuyolisa.

118 Mi Martin Luther a lumelelana ni zona. John Wesley ataha ni nto yeswana, ni ku lumelelana ni zona. Nekusina mutu ni yomukana, mwa Bibebe, yakile a fafalezwa fateni. Kwali kuba kube nto yecwalo. Nekusina sika se si cwalo mwa Bibebe, nekusina tumo kamba ye cwalo ni hanyinyani, kono mwa li lumeleza. Yeo ki niti. Mu li lumelelize. Ba taha ni kunga kalungelo ka lizwai ni ku mi fafaleza kona. Kiñi? Keleke ya Katolika ne i li kalisize, mi mwa li kubamela. Kiniti.

119 Mutu yomuñwi naize, zazi leliñwi, kuli, “Ha u . . . Wena, wena u wa Katolika ya si yo. Una ni . . .”

120 Se nili, “Batili, muzwale. Ni Muipanguli. Ni ipanguzi kwa lika zeo.” Yeo ki niti. Kakuba mukutazi wa Evangeli, ni bana ba Mulimu sina malambi aka mo, kwa Lihalimu, mi Ni lukela ku ba kutaleza ni kuina fapila bona sina muluti ni lisupo ni ze komokisa, Ne ni kaba muipi hane Ni si ka yemela sene sili sa niti. Se nili, “Eeni, sha. Ni ka yema, haiba sa ni bulaya. Ni ka eza cwalo. Ni—Ni ka luta fela sesili Bibebe.”

121 Mi Na itakaleza, ka nako kaufela, kuli ni Li ambolisane ni mutu, mwabona; abe pope wa Rome, kamba bishopu yomutuna, kamba seo kaufela ali sona. Mwabona? Eeni, sha. Yeo ki niti. Haiba Ni fosa, taha u to ni bonisa. Cwale, Ha ni si ka fosa, kakuli Ni bulela Mañolo. Mina . . . Hanina kunga buka ya mina. Ye ki Buka ya taba, ona fa.

122 Cwale, he, mu lemuhe, ne ba kalile kuzwa mwa lika za sihalihali ze kaufela.

Cwale, mwa mazazi a maungulo, ku taha nyandiso.

123 Cwale luna, kaza, Sinulo kauhanyo ya 13 cwale, ka kukala. Cwale haiba mu ka lemuha, kushetumuka cwalo mwa kauhanyo mo, ali, “Na talima, na bona, Ngunyana na yemi fa lilundu la Sinai . . .” Batili, mu Ni swalele, Ni mwa timana ye fosahalile, kauhanyo ye fosahalile, kauhanyo ya 14. 13:

. . . Na yema fa likamba la liwate, na bona sibatana se si taha kuzwa mwa liwate, sina ni litoho ze sebene ni manaka a lishumi, mi fa halimwa manaka kuna ni mishukwe ye lishumi, mi fahalimwa—fahalimwa litoho za sona neku ñozwi mabizo a linyefulo.

124 *Bunyefuli* ki sikamañi? Ki “kubona bukuba, kubona bukuba, kubulela ka bona.” Cwale amutalime, nana ni “litoho ze sebene, manaka a lishumi.” Mi amutalime ha “li zwa mwa liwate.” Cwale Sinulo 17, mina babasweli kuñola, 17:15, abulela kuli—kuli *mezi* ayemela “buñata ni undi wa nyangela ya sicaba.”

Kacwalo *sibatana* se si yemela “mata, puso ye si ya bumulimu.” “Sibatana sa kale sa yema kuzwa mwa sicaba, mi sa yema fa lishabati la liwate. Mi Na bona sibatana. . .”

*Mi sibatana sene Ni boni ne si swana sina . . .
ngwee, . . . mahutu a sona neli mahutu a bere, . . .
mulomo wa sona . . . mulomo wa tau: mi dragoni ya mufa
mata a yona, ni . . . sipula, ni mata amatuna.*

125 “Dragon!” Luna ni lika zepeli mwatasa buino bwa zona cwale. Mutalime sibatana se. Ne si na ni batu babane baba shutana ku sona.

126 Mi haiba mu ka nga Daniele 7, mina baba i ñola, Daniele 7. Daniele na boni pono yeswana, myaha ye mianda ye ketalizoho ka yemilalu ku si kaba kale se, a bona pono. Na boni libatana zani, ze kauhani, yeñwi ni yeñwi, kwa simuluho ya puso ya Bamacaba.

127 Mi ki ba fa, Joani na li boni, ni mafelelezo a Bamacaba a busa, libatana zene zani kaufela ne li yemela ku iliñwi. Yona mioya ye swana yani, madimona asweli mubuso kaufela wa Maroma, kushetumuka cwalo, ni Magerike, ni zeñwi cwalo, kutaha cwalo mwahala masika a Bamacaba, utile fafasi mi kaufela zona li kopanela mwa sibatana silisiñwi. Lu ka mu fumana, handende, ni kubona yo ali yena. Kiniti. Bani kaufela, ngwee, tau, zani kaufela, ki dragoni. Ki babakai baba ziba seo drakoni ili sona? *Dragon* iyemela “Rome.” Eehe.

128 Halu—halu ibaleñi cwalo. Kuli, zeo lina ni lipuzo mwa minahano ya mina. Munife Sinulo kauhanyo ya 12, fa nako nyana fela fa. Ha lu talimeñi fa, Sinulo 12. Cwale mutalime.

*Mi kwa bonahala makazo yetuna mwa lihalimu;
musali . . .*

129 *Musali* u yemela sikamañi? Ki “keleke.” Yo ki—yo ki munyaliwa fa. Ye ki keleke, keleke ya niti.

*. . . musali ya apezi lizazi, ni kweli mwatasa mautu a
hae, . . .*

130 Mutalime, kweli mwatasa hae. . . “Lizazi fa toho ya hae, kweli mwatasa mautu a hae.” *Lizazi* neli “kalulo ya sishemo.” Mi *kweli* neli “kalulo ya mulao.” *Musali* neli “keleke ya Orthodox,” mi na yemi fahalimwa mulao. Mulao no sweli ku fela kufela, kakuli mulao neli muluti wa lika zende ze ne sa taha. Kana ku cwalo? Kweli ki muluti fela, wa lizazi le li monyeha fa kweli (kana ku cwalo?), kupanga kweli. Mi mulao noli mwatasa mautu a hae; na sa pilile kale mwa lizazi lani. Mi mulemuhe mwa na tinezi fa cwale.

*. . . mi mwatasa mautu a hae, ni fahalimwa toho ya
hae kuwani ya bulena ya linaleli ze lishumi ka zepeli:
(Keleke i filwe mushukwe wa Tuto ya baapositola baba
lishumi ka bababeli, mwabona.)*

Mi yena ka mwana a huwa, ku mundukwa, . . . kuli atalelezwe. (Yani neli keleke ya Orthodox. Mutalime.)

Mi—mi kwa bonahala nyungano yeñwi mwa lihalimu; mi amubone dragoni yetuna yefubelu, ina ni litho ze sebene, . . . (mwabona, mubuluke sebene yeo mwa minahano ya mina cwale, “litho ze sebene,” kamita) . . . litho ze sebene . . . manaka a lishumi, ni mishukwe ye sebene fahalimwa litho za hae.

Cwale, mi muhata wa yona wa hula kuba siemba sa linaleli za lihalimu, mi wa li nepela mwa lifasi: mi dragoni ya yema fapila musali yana libelela ku lamulelwa, kuli ibulaye mwana hae ha sa pepwa fela. (Mutalime!)

Mi apepa mwana mutu, yana lukela kubusa linaha kaufela ka mulamu wa sipi: mi mwana a ngelwa ku Mulimu, ni kwa lubona lwa hae.

¹³¹ Keleke ya Orthodox iyemi fani; lizazi la monyeha; Tuto ya baapositola baba lishumi ka bababeli. Ku lukile. Ni kweli mwatasa mautu a hae, ona mulao, muluti wa lika ze ne sa taha; ili Liseli la Evangeli le li monyeha cwale, mulao no so felile Lizazi ha li yo likela.

¹³² “Na sa pilile kuli a lukuluhe, mi apepa Mwana Mutu,” yanali yena Krete Jesu, “mi A ngelwa ku Mulimu. Kono haibile fela . . .” Ki se fa. “Ona fani fela drakoni, ya nali diabulosi, ha na boni kuli musali u fa kaufi ni kupuluha, na yemi bukaufi ni yena kuli a bulaye Mwana Hae A sa pepwa fela.”

¹³³ Mi cwale Jesu ha pepwa, Mubuso wa Siroma wa kala zibiso, kuli a bulaye bana kaufela kukalela fa lilimo zepeli za kupepwa, kutaha fafasi, kuli ba bulaye Krete Jesu. Mi Mulimu apukuta boya fa meeto a hae, ni ku Muisa kwa Egepita ni ku Mu pata, sina mwa Na ezelize ku Mushe ka nzila yeswana.

¹³⁴ Ki yani dragoni yefubelu, diabulosi. I inzi kai? Mwa . . . Isiñi mwa Russia; mwa Rome! Mi ali, “Diabulosi amufa sipula ni puso ya hae, dragoni yefubelu,” isiñi Russia.

¹³⁵ Ni utwa bakutazi babatuna ba li, “Mu Russian ki antikreste.”

¹³⁶ Kiñi, ba Russian habana sa kueza ni antikreste. Yeo kona swalisano. Buhata bwa Baipanguli ni Bukatolika bu tizize swalisano. Libaka leo Russia i ba lelekezi kwani, kakuli nebana ni masheleñi kaufela. Mi ne ba se balapelezi kale litapelo balumeli bani, kacwalo ba yaha miyaho yemituna, mi ne ba nani sifumu sa batu kaufela, ni ku libundeka cwalo. Mi ba bona kuli ne ba si ka pila ka kushutana, mi ne ba sa shutani ku babañwi ba lifasi, mi se ba li kasheza fande ni kuipangela katengo ka swalisano.

¹³⁷ Cwale haiba mu ka ni fa busihu bulibuñwi fela, haiba Mulimu aeza cwalo, Ni ka mi bonisa kuli swalisano isweli kubeleka hande mwa mazoho a Mulimu Yamata kaufela, kuli a sinye tuto ya Maroma- . . . Mi, muhupule, Ni bulela se ka kuba mupolofita wa Mulimu, nduna wa mu Russian uka wisa bomba ya atomiki ka mufuta omuñwi wa Munzi wa Vatican ni ku u sinye mwa hola iliñwi. KISONA SA BULELA MULENA. Mi Bibeles ibulezi kuli Mulimu na ba isize baana ba lipilu seta ni ku ba beya mwa mazoho a Hae, mi nebali libelekiso mwa mazoho a Hae, “kuli ataleze tato ya Hae,” ni ku kutiseza kuyena handende ze ne taha kuyena. Yeo ki niti. Leo kona Linzwi.

¹³⁸ Muzwale, ha mu lemuhi fela butali bwa lika ze mo buinezi! Muhupule, Jesu Krete na bulezi kuli antikreste ukaba bukaufi hahulu kuli mane uka puma ni bona ba baketilwe. Ali, “Cwale musike mwa lumeleza mutu ku mi puma.” Ali, “Usike wa swana sina mahedeni, ubulele tapelo ya hao fa ni fa, ‘Lumela Maria, u fuyozwi wena, yatezi sishemo, mi ufuyozwi wena. . .’” Ali, “Usike wa swana sina mahedeni, ku itusisa za mbango.” Ki hali, “Mi musike mwa biza mutu kuli ‘ndate,’ kasamulaho wa lifasi le, niteni, kamba. . . sina ha muna ni Ndate alimuñwi, mi yani ki mwa Lihalimu.”

¹³⁹ Kono wa fetuha, kutokolomoha zeo, wa eza ka mikwa kaufela, kakuli ki kabubo. Diabulosi ubile abanga ni taba ye zibahala kamita. Kubile cwalo kamita, kuzwa kwa simuluho, “mufuta wa bulapeli.” Kaine nana ni nto yeswana. Ki wo moya wa hae osweli kutaha mwateni, ka antikreste; mi fa kutaha Abele, ya na tabilwe, niyena. Yeo ki niti. Mulemuhe, mi cwale mutalime.

¹⁴⁰ Libatana ze kaufela, kwa mulaho kwani, kaufela ne li felela mwa sibatana silisiñwi fa, yene bizwa kuli “dragoni yefubelu,” ki diabulosi.

Cwale ha lu kaleleni fa timana ya 15 ya kauhanyo ya 13.

¹⁴¹ Mwa bona cwale kuli *Rome* neli—neli “sipula sa Satani.” Sibatana sa litho ze sebene ni manaka a lishumi ne si yemi bukaufi ni Mwana, Krete Mwana, ku Mu bulaya Ha sa pepwa fela. Ki mañi yana ezize cwalo? Heroda, Rome; kamita ubile cwalo. Lu ka kena ku Daniele, handende, haiba luna ni nako yeñata, mi Mulena alu tuse, mi lu ka bona.

¹⁴² Sina kai ni kai mwa Mañolo, kuzwa kwa simuluho ya Bamacaba, kukutela kwa Genese, Na kona kubonisa kuli Babilona ne ikalezi mwa Genese ni kufelela mwa Sinulo. Na kalezi kwa mulaho kwani ni Nimrod, mwana mushimani wa Kama, ka milimu ya maswaniso, kuli akene mwateni, ku to lapela milimu. Mi litile ona cwalo ni cwale, mane, kacwalo butali mwa mazazi a maungulo kufitela unga libizo la Bukreste, mi, isali, milapelo ya milimu!

143 Hanili Muhalalehi Paulusi yomutuna, mwa Matesalonika Babubeli, naize? Ha lu baleñi fela, lusika zwelapili kale. Matesalonika Babubeli, kauhanyo ya bubeli, mi mubone sa na bulezi Paulusi fa. Mane na li boni mwa Moya, mane li si ka taha kale mwa lizazi le lupila ku lona.

144 Kihande, mawi, ka mo lizazi le lupila ku lona, lififi le lupila ku lona, mi baana ni basali baikopanya mo mwa lififi la ku sa ziba za bulapeli mi hakuna ze ba ziba ka zona mane. Ha ki—ha ki makeke ni ao! Ka mo lizazi lani . . .

145 Paulusi naize, “Zazi lani ha li lukeli kutaha, konji haiba kutaha kuwa pili, mi mutu wa sibi a patululwe.” Cwale amutalime, u mu paka kuba mutu. Kana ku cwalo? Paulusi naize, “Na li muuna wa sibi, ya lwanisa ku i pahamisa fahalimwa sika kaufela se si bizwa kuli Mulimu, kacwalo ya lapelwa ki Mulimu.” Mutu, alapelwa sina Mulimu; mutu ya ka beiwa fa sina mufuta wa milapelo. Mi ki hali, “Zazi lani ne li sa tahi konji pili ha ku tahe kuwa.” Ki sikamañi seo? Buino bo bu enya fela bwa keleke. Ku lukile.

146 Muteezeze. Haluboneñi ni mi balele yona, haiba mwa kona, Matesalonika Babubeli. Ku lukile. Haiba Ni kona kuba ni sibaka se si lukile cwale, ka kukala, kuli lusike lwa bala hahulu. “Mutu asike a mi puma,” timana ya 3, Matesalonika ba Bubeli, kauhanyo ya 2.

Mutu asike a mi puma ka mukwa kaufela: kakuli lizazi leo halina kutaha, ha ku si ka taha kuwa pili, (Lusika lwa Keleke ya Laodesia cwale). . . mi mutu yani, (m-u-t-u, alimuñwi) . . . mutu wa sibi a patululwe, yena mwana wa sinyeho; (mwa sibaka, mwa sibaka sa Mwana Mulimu), mwana wa sinyeho;

Ya lwanisa (yena kasibili) mi ya ipaheka fahalimwa se sibizwa kuli Mulimu, ili kuli alapelwe sina Mulimu; kuli yena sina Mulimu yainzi mwa tempele ya Mulimu, inza iponahaza iliyena kuli ki Mulimu. (Ku amuhela kuipulela!)

147 Usike wa ni bulelela, mulikana ka wa Katolika! Kucwani kana, u bulelela kuli wena “ha u lumeli mwa linyalo lisili kono li liliñwi; keleke ya Katolika i yendamezi kwa linyalo li liliñwi.” Haiba hamuna masheleñi, zeo li lukile. Kono haluboneñi ni mi bulelele, ona mwa sicaba saka mo; musizana nyana ya inzi ona fa, ki me yainzi fa, ni bondatahe, hape; ni musali yomuñwi kwanu ni mushimani yomunyinyani yo. Musizana na nyezi mushimani wa Baipanguli; ba kauhana ni kuzwela fande. Kacwalo he, taba yapili mwa ziba, musizana na ka nyalwa ku mushimani wa Katolika; mi nana ni kuzwela kwande ku yo lifa masheleñi amañata, ni kukuta, mi, “Na si ka nyalwa ku mushimani wa Baipanguli yo, mwa sibaka sa pili.” Kiyoyi Howard, sicaba sa hesu luli . . .

148 Kihande, ona kwanu. . . Hanina kubiza libizo. Una ni—una ni mwana musizana, mi mwana hae wa musizana una ni myaha ye mashumi amabeli ka ye silezi ya kupepwa. Muuna hae, a mu siya kwa Milltown, ni kumata kuikela ku yo nyalwa ku muuna wa Katolika. Mi cwale se bali, “Una ni kuzwa mwa keleke.” Kacwalo ne ba lifa mali hahulu, kuli ba kute mi “ba mu cinca kukutela ku mwalyanjo hape,” ni ku mu nyala kukutela ku muuna yo. Tommyroot! Mu mucince kukutela ku mwalyanjo? U nyezwi, mwa meto a Mulimu, ni kupila mwa boozwa. Yeo luli ki niti. Seo SA BULELA MULENA KISONA, hape. Kiniti.

149 Ha ki maswabisa ni ao! “Kulifa mali amañata mwateni.” Kona libaka likeleke zetuna ze kaufela ni likolo ha li yahiwa. Kona cwalo. Lifasi kaufela. . . Ha mu zibi cwalo, mo mwa United States. Mu lukela ku ni latelela kwa buse bwa mawate, hañwi, mi mu ka lemuha. Eeni, sha. U ya kulo kwani, muzwale, ko ba nanulezi lizoho la fahalimu.

150 Na kona ku mi tiseza siswaniso, sa niti, Muzwale Kopp na si swanisize, ni ku ni lumela, sa mukutazi wa Baipanguli, Mukutazi wa Moya o Kenile, inza lobezi mwa mukwakwa, a luluhile maswe kufitelela *fani*, yena ni musala hae, ni musizana yomunyinyani, aluluhile maswe sina cwalo; kakuli ne ba kutaza Jesu Kreste, mata a zuho, mi sicaba ne si ka piliswa ni kuamuhela Moya o Kenile. Se ba ba bulaela mwa mukwakwa, mi ne ba sa ba lumelezi kupumbekwa, ni ku ba kwelaka mati, ka mazazi ni mazazi. Yeo ki niti.

151 Ona kwani koo Muzwale Osborn nana ni ku tiiswa, mwatasa litobolo, kuli aba lamulele. Ba ya kulo kwani, mi alimuñwi. . . sikwata sa baprisita ba taha hamoho ku to bulaya mucaha yo. Mi musala hae nana ni fela mbututu. Mi ba zamaya mwa mukwakwa ona cwalo, inge bana ni—ni—ni mukiti wa muslaita inza muisa kwa libita, ku yo mu pumbeka. Mi me yo inza zamaya, ni mbututu, inza lila, kwa mulaho wa muuna hae ya shwile. Mi sicaba sa talima kuzwa mwa lihaulo, sicaba se si sepahala mwa lipilu, ali, “Haiba cwalo kona mo i utwela keleke ya Katolika, lwa i hanyeza.” Ni kulatelelwa, ka likitikiti, mwa mukwakwa. Muzwale Osborn nana ni ancafazo kwani, kufitela ba palelwa ku mu zwisa mwa naha. Nekuna ni batu babañata hahulu. Yeo luli ki niti.

152 Oh, buipi bwani! Na ziba ki siswaniso se si maswe. Muine fela mukuzize, balikani ba Katolika, luka swala kwa neku leliñwi, mwa mizuzu yelikani. Ku lukile. Mulemuhe.

153 Cwale lu ka shetumuka, mulemuhe, fa pata nyana. Mutuhele ni mi fitise se. Mwendu Ni ka ba ni nako, mizuzu ye mashumi amalalu cwale. Mutalime ka tokomelo. Cwale halu kuteñi kwa mulaho, mubali kaufela, mwa minahano ya mina, fa muzuzu fela, kwa siswaniso sa mwa booko. Mi. . .

154 Mulumeli wa Orthodox kaufela mo u ziba kuli puso ya Bamacaba ikala ka Mulena Nebukadinezare. Kana ku cwalo? Mulumeli wa mu Orthodox kaufela wa ziba cwalo. Mi Mulena Nebukadinezare nana ni pono, mi Daniele amufa toloko. Kana ku cwalo? Mi neli toho ya gauda, yeneli mu Babilona; wa bubeli neli ba Medi ni ba Peresia; yetatama neli mpi ya ma Grecian; mi kona kutaha Mpi ya Maroma. Mi kwa mafelelezo a Mpi ya Maroma, Jesu Kreste nali yena Licwe lene li kumuzwi kwa lilundu, kusina mazoho, ze ne tile ni kutisa siswaniso (kana ku cwalo?), ni kuapesa lifasi. Mutu kaufela wa ziba cwalo. Mulumeli kaufela wa ziba cwalo.

155 Mi mane kuli, mwa mazazi a maungulo, hane ba keni mwa mibuso ye shutana ye, ni zeñwi cwalo, kwa minwana ya mautu, nekuna ni sipi ni lizupa. Mi italusa kuli, mupolofita naize, “Kuya ka mo u bonezi sipi ni lizupa halikoni kukopana hamoho, mane se hasina kuswalana ku sesiñwi.” Kono li ka swalana lipeu zeo, kulika. . . Ka manzwi amañwi, ba ka nyalwa ku bona, kulika kuzusa bana ba bona ni ku ba sinya, bakeñisa mata, sina cwalo. Mi muziba kuli yeo ki niti. Kono, ki kuswalelela, ina ni, ni mina sicaba mwakona ku itwaeza zona, “Oh,” muli, “ki nto yende.”

156 Mutalime fa Stevenson, kamba ki yena mañi libizo, fahalimu fa. Cwale za hae. . . fahalimu fa. Ki yena mañi libizo? Ni libezi fela. . . Mucaha kwanu, yasweli ku hoha likañi ze kaufela kwanu. [Kopano ili libizo—Mu.] Eehe. Oh, mawi!

157 Ona United States ye i bolile kufita ni kwa pilu. Eni, sha. Na kona ku mi bonisa yona nako luli fani. . . Musali yo fa, kwa mulaho mwa Sinulo 12, fani hane. . . Mwana hae wa muuna na swelwi kuli aine fa Lubona lwa Mulimu, mi, hamano eza cwalo, musali a sabela mwa lihalaupa, kwa na fumanehile mazazi aeza wani sauzande tuu handeleti ni sikisite, ka kuzamaelela hande ni Plymouth Rock, ona cwalo, ko kutaha keleke yezwile kwa tukuluho ya bulapeli, mi ya tomiwa fa.

158 Mi lu ka bala mwa kauhanyo ya 13 ya Sinulo mo, ni kotalima fa timana ya 15. Mi, cwale, fa muzuzu fela, Ni bata kukutela kwa mulaho wa sani, mi lubona fa fa fa Na yemi fa bukaufi ni likamba. Cwale haiba Ni kona fela kufumana sibaka, foo, timana ya 11.

Mi Na bona sibatana sesiñwi se si taha kuzwa mwa lifasi; (isiñi kuzwa—kuzwa mwa mezi). . .

159 “Kuzwa mwa lifasi.” Mi, buñata ni buñata bwa sicaba ki mezi, konakuli se kona ko ne kusina batu, ba United States.

. . . mi nana ni manaka amabeli inge ngunyana, . . .

160 “Manaka amabeli inge ngunyana,” isiñi ngunyana. Ki sikamañi seo? Ki bupope bwa luna mwa American. Luli. Mwabona, ki yani fani, “manaka amabeli inge ngunyana.” Kono cwale ki sikamañi sa na ezize? Nana ni tukuluho ya bulapeli,

pili; na ezize sina ngunyana, na bulela sina ngunyana. Kono, muhupule, na si ka ba kale totolo ya muuna. Na li ngunyana. Naha ye ki lilimo fela ze mwanda ni mashumi aketalizoho za kupepwa, mwa ziba, ki ngu fela.

. . . *mi cwale a bulela sina drakoni.*

Mi za bonahalisa mata a sibatana sa pili sene sili fapila sona, (dragoni yefubelu), ni kueza kuli kaufela bene bali mwa lifasi, bene ba pila mwa lifasi, ku lapela si . . . sibatana, seo sitombo sa sona se si batile ku si bulaya sa fola. (Mutalime!)

Mi—mi u eza limakazo zetuna, kacwalo ku mu eza mulilo otuluka kwa lihalimu. . . (Bomba ya atomiki, ni haidrojini; kotalifa, naha ye butali, ni zeñwi cwalo, kupuma linaha ka lika ze.)

¹⁶¹ United States ye ika taha kwa nako yeo keleke ni naha li ka kopana hamoho. Mi Baipanguli ni ba Katolika ba ka nepela lika za bona hamoho, kulwanisa swalisano. Mi luli isweli kuliza mwa mazoho a sa bulezi Mulimu mwahali mo.

¹⁶² Ni mina Baipanguli babainzi kwani, mwa buloko, kubala mutende wa lilato mwa sibaka sa Bibeles ya mina! Kwande, inge ayema yema kokuñwi, kwa mukiti omuñwi cwalo, mwa sibaka sa kuba mwa mukopano wa litapelo kokuñwi; ku omana ku yomuñwi ni yomuñwi ka lika zenyinyani za kale zesina tuso zeo *halina* taba ni zeo. [Muzwale Branham uliza minwana ya hae—Mu.] U lukela kuba fa mañwele a hao kokuñwi, haiba wa ziba seo Kuyakuile italusa.

¹⁶³ Mulemuhe, fani, Mulena Nebukadinezare, kwa simuluho kwani, fani lusika lwa Bamacaba ha ne lu kalile. Halu boneñi mo li tahela. Ni mo ne li kenezi, mu ka fumana kuli li ya ka nzila yeswana. Lu ziba kuli kuna ni makalelo a nako ya sishemo ku Bamacaba, ni mafelelezo a nako. Kana ku cwalo?

¹⁶⁴ Cwale amutalime, fani Mulena Nebukadinezare. . . fani Daniele ha na lumilwe kwani, ali mupolofite ya butali, fani Majuda babañwi kaufela hane ba ikokobelize hahulu mi ne ba kubamela Maroma. . . kamba kwa ma Babilona. Kono nekuna ni babalalu, baana babane; babalalu (Shadreki, Misheki ni Abedinego), ni Daniele, baba lelele mwa lipilu za bona ba ka sebeleza Mulimu. Mi cwale ha ba nepela Shadreki, ni babañwi cwalo, mwa. . . Mi Daniele na sa bile muuna yomutuna, mi fapila Mulena Nebukadinezare ni Beshazare, ni babañwi cwalo. Fani hana bile muuna yomutuna, cwale mutalime, Mulena Nebukadinezare na ezize siswaniso sa gauda ni ku si beya mwa simu, mi abulela kuli mañi ni mañi na ka kubamela siswaniso sani.

¹⁶⁵ Kana mukile mwa lemuhu kubonahala busepahali bwa zona, siswaniso sani sene si ezizwe ka sona? Neli Daniele, siswaniso sa

mutu. Mi kana na si ka bulela kuli, “mioya ya milimu,” buhedeni? Mi sina mo luinezi kacenu, luna ni zetalu kamba zene za yona. “Mioya ya milimu ipila ku yena,” mi ba ezeza Daniele siswaniso. Mi ki hali, “Kaufela baba si ke ba kubamela siswaniso sani, ba ka nepelwa mwa ondo ya mulilo o sabisa.” Mu lemuhe, Daniele u zwile mwa sibaka ka nako yeo. Mwa utwa se Ni talusa? “Mi kaufela ya si ke a kubamela siswaniso sani kuli a pazule mwa liemba, kamba ku nepelwa mwa musima wa litau, kamba ku cisiwa mwa mulilo o sabisa, kamba nto yeñwi, ki koto.”

¹⁶⁶ Cwalo kona lusika lwa Bamacaba mo ne lu kalezi, ka bulapeli bwa mufuta wa buhedeni, ka nyandiso ya ku ba ezisa ku si kubamela. Mi Bibe ibulezi kuli li ka fela ka nzila yeswana, “ki Mutu ya kenile,” Jesu Kreste; siswaniso ku Yena, sa ku si lapela, ni zeñwi cwalo.

¹⁶⁷ Mwa hupula, mwa buka ya Foxe ka babulaiwa, neba sweli sifapahano sa sifapahano fapila bona, kubeya komu kwa lizoho sina cwalo, mi neba bulelanga kuli... Kambe ne musike ku hanyeza, ku hanyeza Buipanguli, ni kuba mu Katolika ni “kutubeta sifapahano se.” Ne ba kalisa ka komu ka nzila yeñwi, mi yeñwi ka nzila yeñwi, ni ku li fapanya fahali. Ba ba ciseza kwa litoli. Ba ezize lika kaufela. Ni bile kwa mabita a kale; Na ziba ze Ni ambola. Mi, mwabona, yeo, ki niti. Mi ki bani balobezi fani. Mi mulemuhe mo ne ba kenezi mwa mazazi a ku bulaiwa ani fapila Martin Luther. Kuya ka Bibe, hape.

¹⁶⁸ Cwale mulemuhe ka tokomelo hape cwale. Cwale Ni bata kuli mulemuhe nto yetuna. Kana mubuso wa Babilona wani no so tile cwani? Busihu bobuñwi ha ne baile ku yo nga libyana ze kenile za Mulimu, ni kukala kunwa waine ku zona; ku kala kuba ni nako yende, ni kuba ni sikwata sa basali kulo kwani, bonalutiyo, mi nasweli kubina ni kuhohana ni kuba ni nako yende. Kana ku cwalo? Ka nako yani nekuna ni muñolo o no taha fa limota, “MENE, MENE, TEKEL, UFARSIN.” Ki niti yeo nji? Mi ba yo nga ma Makalade kaufela, baana ba bona baba butali, ma membala ba keleke baba enya fela, mi hakuna neba yomukana wa bona yana konile kubala. Yeo ki niti.

¹⁶⁹ Kono nebana ni muuna kwani yana kona kubala malimi a sa zibahali, haleluya, yana kona ku atoloka. Mwabona se Ni talusa? Na kona kutoloka malimi asili. Cwalo kona mo ne li yezi.

¹⁷⁰ Cwalo kona mwa ya cwale, ka mata a Moya o Kenile fa sicaba se si tezi kolobezo ya Moya o Kenile, yana ni mata ni lisupo ni ze komokisa. Ki yeo Keleke ya Bamacaba iya. Ki bao bo masiyaleti.

¹⁷¹ Cwalo kona mo li tahela, cwalo kona mo li zamaela, kiniti, ki ku kubama ni kapelezo kwa bulapeli bwa sihedeni. Mi Mulimu ukena mwa hola yetata ni kuñola ka malimi a sa zibwi, mi muuna yani wa atoloka. Na kona kutoloka. Na sa zibi mushobo wani; hakuna usili yana ziba. Kono nana ni Moya o Kenile o swana, o

no mu lumeleza kutoloka seo, ki ona Moya o Kenile o swana mwa Keleke kacenu.

¹⁷² U Li biza kuli “bufitelezi bwa tumelo.” Ni ka lumela kuli bana ni zeñata za zona. Kono, muzwale, kuna ni za niti mwateni, hape. Yeo ki niti, yaniti luli fani, hape. Diabulosi u nepela za buhata kaufela zakona, ona mwa nzila yateni, kuli a ku lyanganise. Mi haiba ha u hupuli zeñata ka Mulimu kufita kuina ni kubala Bibebe ya hao, ni kulapela ku kuopa Mulimu, konakuli si bonisa kuli ha mu isezi ngana hahulu mwa moyo wa mina.

¹⁷³ U zwela kwande ni kubulela kuli, “Mulimu, Hanina taba ka buñata bwa malaba a mañwalala ao U teile kwande kwani. Ni bona Bibebe ya Hao i bulela, mi Ni tamehile!” Yeo ki niti. “U sepisize ku na, peu ya Abrahamama.”

¹⁷⁴ Mulimu u ku bizize, uka taha ku Lona; kono haiba ha u cwalo, Hanina taba kamba u wa bulapeli cwani, u ile; ku felile, haukoni kutaha. Hakuna mutu yakona, konji haiba U ku bizize. Mi Ha tabeli kuli ni yomukana a shwe, kono buñata bwa mina mu ka shwa kakuli hamuna taba ka Zona.

¹⁷⁵ Mi uka zamaya kai ni kai ni kubona sesiñwi se si bonahala inge se si sisusa cwalo, sa muluti nyana, “Kihande, Dr. wa *Kuli-ni-kuli* ubulezi sa *kuli-ni-kuli*, ni zeñwi cwalo.” Mi kipeto mu zamaya kwa ni kwa ni kunyefula Moya o Kenile, mwa ziba kuli yeo ki niti, mi ha ki ku swalelwa.

¹⁷⁶ Mu ka fumana mwa mizuzu yelikani seo nombolo ya diabulosi ili yona, seo li—seo liswayo la diabulosi lili sona, nombolo ya sibatana. “Yo kaufela ya ka bulela kulwanisa Moya o Kenile, haana ku mu swalelwa, mwa lifasi le, kamba lifasi lelitaha.” Mutalime keleke yapili yani, sene ba ezize. Mutalime kwande, ka se, keleke ya bubeli! Wakona ku i swaya kuzwa mwa Mubuso wa Mulimu, ni kukena ku diabulosi; kwande ko kusina kuba ni “swalelo, mwa lifasi le, kamba nihaiba ya taha.” Luli. Kacwalo, mu tokomele, mu zamaye ka likute. Mu tokomele se mueza, kakuli ha mu zibi se si ka ezahala.

¹⁷⁷ Cwale, lu bona zeo kaufela cwale ha li fituluka. Nina ni mizuzu ye mashumi amabeli. Ni bata kuli muapule nina mwa kauhanyo ya 17, Sinulo, kuli afeleleze fa nako nyana. Cwale lu ka fita mwa nzila ya kwa hae. Muteeleze hande. Mubale hamoho nina. Amu apule Bibebe ya mina mi muitukise kubala. Se si lukela ku si swaya.

¹⁷⁸ Muhupule, kuna ni maswayo amabeli; yeñwi ki bukwenuheli, yeñwi ki Moya o Kenile. Yeñwi ki nombolo ya diabulosi.

¹⁷⁹ Muhupule, Ni bulezi cwana, kuli keleke yapili ya Katolika . . . Cwale, sicaba sa Katolika, baina ka likute fa mizuzu yelikani. Keleke yapili ya Katolika ne i pangile mubonelo wa yona ka taba yateni. Nebana ni tuto ya buhata, ya silalu se si kenile, sa kunwa silalu kufita kolobezo ya Moya.

180 Ba añula ba Baipanguli ba swalana mwa mazoho, kamba kuba ni buitamo; sibeli sa bona ba lyangani, kuya ka Linzwi la Mulimu. Wo kona mutomo. Ba tahanga ku to kolobeza, “Ndate, Mwana, Moya o Kenile,” kanti mane hakuna nihaiba nako iliñwi fo mutu ufi kaufela akile a kolobezwa ka nzila yani; ili yona buhedeni luli, kolobezo ya Katolika. Mi ba itumelela cwalo, ni kubulela kuli, “Mina Baipanguli mwa kubamela kolobezo ya luna.”

Se nili, “Kiñi ha u eza cwalo?”

181 Ali, “Keleke ya Katolika ina ni mata a kucinca Liñolo le ba bata kaufela.”

Se nili, “Bwani ki buhata.”

Ki hali, “Kiñi zo kubamela kusona cwale?”

182 Ah, kipeto mu ka kuza. Ha ki na! Ha ni lumeli ku zona. Le ki Linzwi la Mulimu. Yeo ki niti. Haiba sicaba si bata kulatelela, bana ni kuya fela ni nosi. Ni lukela kubulela Niti. Yeo ki niti.

183 Mulemuhe, mi se ba taha ni zeñwi kaufela, keleke yeñwi, ya kenya mwateni katekisema ka kale ni lika zani kaufela mwateni. Ha ki sikwata sa ze bolile ni bukuba! Mi si ndondozi bolule-lule ba ba sa zibi za bulapeli, ni baba enya feela. . .

184 Ki diabulosi, kwa simuluhu. Mi Na kona ku mi bonisa kuli Biblele ibulezi fa kuli, “Lifasi kaufela ne li komoka puso ya sibatana ye; yanali teni, ya sa liyo, mane uteni.” Likona kuba cwani zeo, “yanaliteni, kono ha sa li yo”? Ali, “Lifasi kaufela ne li komoka ka zona.”

185 Fani Rome wa buhedeni hana tiloba Rome wa bupope, ne isika fela fateni. Mulao wa Buroma nofelile; fani mulena yomunca ha taha, na tomile fela mulao o munca. Kono ha ba taha mwa Rome wa buhedeni, ka keleke ya Katolika ya bupope, halina ku fela. Haiba pope alimuñwi a shwa, ba ka ina yomuñwi ni yomuñwi; pope alimuñwi a shwa, ba ka ina yomuñwi ni yomuñwi. “Sibatana sene si liteni pili, kono ha si sa li yo, mi siteni; mi ha si sa li yo, kono si ka tuha si ba teni; mi sika. . . shwelela.” SA BULELA MOYA O KENILE, kuya ka Mañolo.

186 Cwale, muteeleze. “Mi kwa taha alimuñwi. . .” Kaufela mina mutalime cwale, kauhanyo ya 17.

Mi kwa taha leliñwi la mangeloi a sebene asweli linkwana zesebene, (leo kona manaka a mafelelezo, a suluhile), mi la ambola ni na, lali. . . Taha kwanu; mi Ni ka ku bonisa. . . katulo ya lihule lelituna le li inzi fa mezi amañata:

187 Mutalime Sinulo 12. Yani neli musali wa mwalyanjo. Nali kalibe wa luli. Ha ki bunde ni boo ha na yemi!

188 Kono fa kuna ni ya bizwa kuli lihule, “I-i-h-u-l-e,” italusa lit- . . . Ki sikamañi seo? Ha lu ezeñi kalimu. . . kamba ku fituluka mwateni.

189 Mu ni swalele. Ni ikutwa hahulu kapili; ka kunahana kuli Nina ni mizuzu ye lishumi ni ye ketalizoho. Ni ka ina hola yeñwi cwale, kacwalo muine fela mukuzize. [Kopano ili, “Amen.”—Mu.]

190 Mutalime. Ku lukile. Mutalime, ha lu italyneñi. Ki musali wa pilu seta. Lihule ki sikamañi? Ni toile kubulela linzwi, kono li ñozwi mwa Bibebe mo. Ki musali ya ipiza kuli ki musali yomunde, mi ueza boozwa ni muuna usili. Cwale, haiba musali uyemela keleke, konakuli ki keleke ye ipulela kuba Mukreste, ni kueza boozwa ni lika zeñwi. Kana ku cwalo?

191 “Mi uina fahalimwa mezi amañata; buñata ni undi wa nyangela ya sicaba.” Mubale fa . . . mwendi fa timana ya 15 mi mu ka bona cwalo, mwabona. Kamba, 17, mwahali mwani. Lu ka fita ku yona fa muzuzu fela. “Musali ya inzi fa mezi amañata; lihule.” Ha ki taba ni yeo! Cwale kambe luna ni mazazi mwa mulaho wa mazazi, Ne ni ka nga musali yani ni ku mu latelela kuzwa ku Kaine kutaha kwa Mulena Jesu, ni ku mi bonisa kuli nali yena wapili kwa ku ongaonga keleke. Ki mahe wa kopano. Mutalime, “Mi musali yainzi fa mezi amañata. Fahalimu, uinzi fahalimwa mezi amañata.”

Cwale timana ya 2.

. . . yoo ma (m-a-l-e-n-a) malena a lifasi ba pilile ni yena ka buhule, le baba yahile mwa lifasi ba kozwi veine ya buhule bwa lona.

192 Ka manzwi amañwi, u ipulela kuba keleke ya Bukreste; yepahami, yende. Mutalime mwa tinezi, mwa mizuzu yelikani, ni macwe a butokwa ni gauda ni macwe. Ba li, “Ki mañi ya swana ni yena?”

193 Mi na sweli komoki mwa lizoho la hae, atezi fela “veine ya buhule bwa hae,” masila a hae, tuto ya hae yana tisa malena, oh, kuba fela ni tapelo nyana ni “ku lapela kuzwa mwa limbo,” ni lika ze kaufela. Kona cwalo. Ki fo he cwale. Lani kona Linzwi la Mulimu le Ni bala. Mutalime, “Kacwalo a ni isa mwa. . .” Cwale ha lu boneñi, ni kueza waine. . . Yeo ki niti, timana ya 3 cwale. Ku lukile.

Mi a ni isa mwa lihalaupa ka moya: mi Na bona musali ya inzi fa sibatana se si- . . . fubelu, . . . (“Bufubelu,” kufuma, keleke ye fumile mwa lifasi.)

194 Ba huwa fa kuli, “Ki mañi yakona kulwana ni yena?” Kuna ni muuna alimuñwi mwa lifasi, ki muuna alimuñwi fela mwa lifasi, wa lifasi kaufela, yana ni mata sina pono ya Mulena Nebukadinezare mo ne ibezi. Minwana ye lishumi yani ya matela mwa. . . Muhala wa sipi ya Siroma wani umata mwa naha ni

naha mwa lifasi. Hakuna mutu yomuñwi mwa lifasi yana ni za kubulela sina popu wa Rome mwabezi. Mueteleli Eisenhower wakona kubulela mwa United States, mi ki mulao; kono kuna ni linaha zeñwi za kona kubulela ku zona, mi ha ki sesiñwi. Kono mundandwe wa litulo za ba Katolika ukona kubulela mwa Rome, mi naha kaufela ika huwela ku zona. Yeo ki niti. Ki yani fani. Cwale lu ka bona fa inzi, mi mubone haiba yani ki yena kamba nee, mubone haiba u swanisezwa kwanu ka swanelo. Ku lukile.

. . . *mi Na bona musali ya inzi fa sibatana se si fubelu,*
(bufumu), *se si tezi mabizo a kunyefula, . . .*

¹⁹⁵ Kolobezo ya buhata; mubuso wa buhata; ku zamaisa sicaba ka bubofu, ku ba bulelela kuli bakona fela kutaha kwa keleke, kuba ni buipuleli bwa bona, ni zeñwi cwalo, ba eze zakuli “Lumela Maria,” ba nya tifo. Butimbi! Bukuba! Hani boni kuli batu, minahano yeminde ya naha, bakona kulumela lika ze cwalo.

. . . *ka kuba ni litho ze sebene . . .*

¹⁹⁶ Ki fo he cwale hape, ona dimona yeswana ye potolohile, dragoni ye fubelu, sibatana ni lika kaufela, una ni “litho ze sebene; manaka a lishumi.”

¹⁹⁷ “Mi musali,” musali, cwale, ki keleke. Cwale, *sibatana* ki “puso” musali nana ni, keleke ya Roman Catholic, kono ki mata a Roman Catholic. Kono, ki ye keleke ye bulela cwale.

Mi musali yo na apezi ze tala ni ze fubelu za mubala o mufubelu, mi a kabile likabiso za gauda ni macwe a butokwa, na sweli sinwiso sa gauda mwa lizoho la hae se sitezi ze maswe zona ze masila za buhule bwa hae:

¹⁹⁸ Ki yani fani; ki keleke yeñwi, mwa ziba. Nji cwani? Ina ni kuba teni; ya iponahaza. Mubale fela kushetumuka mi luka bona yo ali yena.

Mi fa toho ya hae ne ku ñozwi libizo la kuli, KUNUTU, BABILONA YO MUTUNA, MAHE MAHULE, NI ZE MASILA ZA LIFASI.

¹⁹⁹ Ku lukile, Baipanguli, fa kona fo mu ka hamulela. Mu ka lumela kuli ki lihule, kono nali yena “MAHE” (wa sikamañi, sa bana?) “WA MAHULE.” Bao ikona kuba *basali*, kana ku cwalo? Zeo likona kuba likeleke kanti, kana ku cwalo? Ki yona keleke ya mushemi cwale, nji cwani? Kana Martin Luther na zwile kai? Bukatolika. Kana ze kaufela li zwelezi kai? Bukatolika, kutisa tuto yabona yeswana, mi mwa li kubamela.

²⁰⁰ Cwale, musali wa litanya mwa Jeffersonville wakona kupepa yomunde, wa niti, wa mwalanjo, yeo ki niti, mi wa kona kuya hande haiba wa lata cwalo. Mi kona mo ne iezelize ni keleke ya ba Lutheran, ba Methodist, ba Baptist, ni ba Presbyterian, ni babañwi cwalo; ba ya fa nako nyana, fani ba—foo bakalisi ba bona hane bali kwani inge ba kutaza Evangeli ku bona. Kono

cwale ba ya kwa kubuha, kubina, televishini, kuzuba, kueza lika zeñwi kaufela, (mwa ziba kuli ki niti!), kuitulela kwa ndu la Sunda. Ki sikamañi seo? Kakuli lihule la hao li eza sina maa lona. Yeo ki niti. Yeo ki niti.

²⁰¹ Cwale ha lu boneñi fo ku na ni mubala. Biblele ibulezi kuli nali “MAHE WA MAHULE.” Mi mutu kaufela wa ziba kuli yani neli Rome wa buhedeni, kamba musala Bo. Rome wa bu popu, yona keleke ya Katolika. Fa muzuzu fela, Ni ka mi bonisa, ka swanelo ni ku mubeya mwa lifasi, ona cwalo fela mwa ka inela. Kiniti. Kwa inzi ni yo ali yena, Biblele ibulezi ona cwalo. Isiñi na; ki Biblele! Mi abulela kuli apepa likeleke zeñata za bana ba basizana mwa mulaho wa hae. Ku lukile, cwale, Methodist, ni Baptist, ni Lutheran, ni babañwi cwalo, mwa bona ko mutaha, ki “MAHE WA MAHULE.” Ne ba pila ku lukile, kono cwale Liseli ha li kala kubenya . . .

²⁰² Kuswana sina libunda la lipalisa mwa nako ya mbumbi. Tukisa liseli, mwa nzila mo kuna ni lifele le li sweli kuca kwa mukuñu wa mbonyi kamba nto yeñwi cwalo, mi u sa monyeha fela liseli ni ku abona amatela ku yo ipata kapili fela mwa konela.

²⁰³ U kutaza Evangeli, kamba kolobezo ya Moya o Kenile, kwa likeleke zeñata za sihalihali ze, ze si za bumulimu; ni ku ba talima, “Ha lu lumeli mwa lika ze cwalo. Ha ni lumeli mwa lika zeo batili . . .” Kiñi? Mwa ziba seo muli sona, kwa simuluhu. Yeo ki niti. Yeo luli ki niti.

²⁰⁴ Hakuna se ni bulela ka kulwanisa keleke ya henu; muzwale, muna ni batu mwahali mo babali macwe abutokwa. Hakuna se ni bulela ka kulwanisa sicaba sa Katolika. Ni lata batu ba Katolika ka kuswana fela sina mo Ni latela sicaba sa ba Branham Tabernacle. Ha ki wena, mulikani, Ni lika kuhuwa. Ha ki wena, Methodist ni Baptist, ni Branham Tabernacle. Ha ki mina bo Ni sweli kuhuwakela. Ki sibi se mutuhelezi diabulosi kubeya kumina! Bakeñisa fela kuli muya kwa keleke, mu nahana kuli mu pilisizwe.

Jesu naize, “Kwanda kuli mutu asepwe ka mezi ni ka Moya, haana kukena mwa Mubuso.” Mi ha mu amuhela kolobezo ya Moya o Kenile, “Lisupo ze li ka latelela baba lumela.” Zeo lizwelela hande kwa liheta, muzwale. Kamba, ha ki kwahule ni liheta, li zwelela fela mwa Biblele. Jesu na si ka bulela kuli, “Mwendi lisupo ze li ka latelela babañwi.” Ki hali, “Ba ka ba latelela.”

Oh, ba li, “Cwale, Ni lumela kuli zeo neli za baapositola. Ni lumela kuli kuna ni fela mundandwe ulimuñwi wa baapositola, mi wani neli kwa mulaho kwani kwa simuluhu.”

²⁰⁵ Mi tuto luli yene lunani maabani busihu, “Nana ni linaleli ze sebene mwa lizoho la Hae,” mi naleli ifi ni ifi ne i lukela kufiwa kwa lusika lwa keleke ifi ni ifi ya Liseli, kiniti; kinto yeswana

fela sina ha ku na ni muapositola *kwani*, kuna ni muapositola *kwani*, ni muapositola fani, ni muapositola fani; “ili Mioya ye sebene,” kwa makalelo a tuto ya luna, “inza yemi fapila Mulimu, kuli alumeleze kwa Masika a Likeleke Zesupa.”

²⁰⁶ Oh, muzwale, wakona ku zamaya ni tuto yeñwi ya ba Baptist kamba tuto ya Methodist, ni kuzwelapili ni yona; kono mu i talime, mwa meto a Bibebe, hañwi. Yeo ki niti. Amen. Ni ikutwa kuba wa bulapeli ona fa cwale. Amen. Eeni, sha. Talima. Muzwale, ki fo he cwale. Ki ku sita; kono ka ka kushapa, ha si kuezi hande . . .

²⁰⁷ Boma, ne ba inzi kwa mulaho kwani, ne ba ni ezanga kuli ni nwe oli yebizwa castor oil. Ne luli banana babanyinyani. Ne lu lukela kuba sinkwa sa mbonyi ni manawa, zazi ni zazi mwa biki, ni la Sunda, hape. Kono he, Ne ni lukela kunwanga milyani yemiñata. Lapelekelo busihu, ne ba ni lukisezanga mafula a castor oil kamita. Mi la Pelekelo busihu Ne ni sweli ngo yaka, sina *cwana*, Ha ni buleli se ka lisheha. Ne ni tiba ngo yaka, mi ne Ni bulela kuli, “Ima, Hani koni fela ku i amuhela. I ni kulisa hahulu.”

Musali ali, “Haiba ha si ku kulisi, hauna kukutusa.”

²⁰⁸ Kona mo kuinezi ni *Se*. Ku ku nyunga! Si ku—ku konisa ku kaya hande lico, kuli ukone ku kaya Evangeli handende.

²⁰⁹ Ba Lutheran ba taha ni kuluka. Kiñi, nebali fela . . . Ne ba iongaongile kaufela yona, “Eeni, sha, ki luna keleke!”

²¹⁰ John Wesley na boni kukeniswa. Ki hali, “Ni bona kuli kwa shutana.” Mi ki hali, “Zeo li lukile, Luther, kono se ki sona.” Nali sikamañi? Luther nali naleli ya lusika lwa hae, kono ki yo Wesley. Ku lukile.

²¹¹ Cwale, he, ma Lutheran kaufela ba kutela kwa shelufu, kakuli ne ba libezi kuli . . . ne ba si ka . . . Cwale, isiñi kaufela . . . Ni talusa keleke ya ba Lutheran. Ba Lutheran ba sa na ni baana babande, babatezi Moya o Kenile. Yeo ki niti. Kono cwale kaufela bona ba kutela kwa keleke, mwa lusika lwani. Ku lukile.

Kwa taha Wesley mwa mulaho. A ba lwala mwahala lusika lwa hae.

²¹² Mi, taba yapili mwa ziba, ki ha kutaha . . . Kasumulaho wa lusika lwa ba ha Wesleyan, kutaha Mapentekota. Mi ba amuhela Moya o Kenile, ba bulela ka malimi.

²¹³ Mawi, ba Methodist, ni ba Nazarene, ni ba Holiness, bali, “Oh, ki diabulosi.” Mi mwabona se mu ezize? Mu nyefuzi Moya o Kenile. Mi mubone fo muinzi kacenu? Yeo ki niti. Wena, ona cwalo luli so ezize. Luli, u ezize. Mi wa palelwa kuzamaya mwa Liseli.

²¹⁴ Mi cwale mina Mapentekota mu bile hahulu ka kuenya, Lusika lwa Keleke ya Laodesia loo, kufitela Mulimu aku luma mwa mulomo wa Hae. Kiniti. Yeo luli ki niti.

215 Mu li, “Kana wa lumela mwa kubulela ka malimi?” Eeni, sha. “Kana ukile wa bulela ka malimi?” Eeni, sha. Ni lumba Mulimu ka zona. Eeni, sha. Ni bulezi ka malimi, linako zeñata nyana. Mi Ni lumela kuli ki Mata a Mulimu. Eeni. Ha ni lumeli mwa bupaki bwa pili, cwale, ki kubulela ka malimi. Kono Ni lumela kuli kuna ni Mata a Mulimu ami eza kuli mubulele ka malimi, lisupo ni ze komokisa ze latelela. Eeni, sha.

216 Mi cwale diabulosi abeya sisusa sa kale fahalimu fani, yomuñwi yana soma ni kueza sina Moya o Kenile. Mi kaufela mina ba Pilgrim Holiness, ni Holiness, ni ba Nazarene, ni mina kaufela, mwa talima kwa mulaho ni kubulela kuli, “Ooh, Hani lati nihaiba iliñwi ya Sani. Ooh!”

217 Oh, sishemo! Kambe muna ni Moya o Kenile, kamba siemba sa Mulimu mwahala lipilu za mina, kukeniswa inge mo ne mu lukela kubela, ne mu ka lemuha kuli ao ki Mata a Mulimu. Kana Jesu na si ka bulela kuli, “Kambe mu zibile Mushe, ne mu ka Ni ziba ni mina”? Luli. Haiba kukeniswa ki siemba sa Moya o Kenile se si ku kenisize ni ku ku kenisa; haiba muna ni Sani, mu ka lemuha ze siyezi za Lona ha Li taha.

218 Lizoho *le* la lemuha lizoho *le*. Toho *ye* ya lemuha lihutu *le*. Ki siemba sa mubili.

219 Mi Bibeke ibulezi kuli kuna ni limpo ze naini za moya; bapolofita, baluti, babuleli, ni ba pro-... ni babañwi cwalo; ni—ni kutoloka kwa malimi, kubulela ka malimi, foliso ya Bumulumu. I ka lemuha kalulo yateni kaufela.

220 Oh, mwa kangela, “Ha ni lati kueza sika ka Sona.” Whew! Ku futumala fa, nji cwani? Yeo ki niti. Kiñi? Kiñi? Ne mu ongaongilwe. Keleke ya henu ibulezi ona cwalo, mi leo kona libaka ha mu sa koni kueza cwalo.

221 Kono buñata bwa mina ba Methodist muzwile mi muna ni Moya o Kenile. Buñata bwa mina ba Baptist mwa taha ku to amuhela Moya o Kenile. Eeni, sha. Mina, mi buñata bwa mina ba Kukena mu zwile mi muna ni Moya o Kenile. Eeni. Kiñi? Hamuna taba ka se ibulela keleke. Ne mu zamaile mwa Liseli. Amen. Hamuna taba ka se si ezahala. No ziba kuli neli za Mulena, mi wa kena fela ku Zona.

222 Mutuhele kuli musali muhulu—mutuhele mucembele aine kwa mulaho kwani, mahe wa kale. U eza inge bo mahe kwa mulaho kwani, wa lihule. A ikongakonga. Wani kona mulao luli wa makalelo a butata, fani keleke ya Katolika ha iikonga. Mi keleke ya ba Lutheran ya mu ongaonga. Mi keleke ya Methodist ya mu ongaonga. Mi keleke ya Baptist ya ikongakonga. Mi cwale kuna ni likopano ze mianda ye silezi ni nainte-sikisi zeshutana. Mi Pentekota iezize nto yeswana!

223 Kanya! Ki butata mañi? Mulimu u bonisa kuli Ha yo mwa kopano. U mwa Moya, ili Moya o Kenile. Haleluya! Haleluya! Eeni, sha.

224 Haana taba kamba kopano ya hao i cwani. Ki bukuba. Li tamahani ni Bukatolika ni kukutela ku lona, ni kupila ku lona, mi mu amuhela ona nombolo yeswana yani ya li yona. Kana lingeloi ne li si ka bulela kuli, “Amuzwe ku yena, sicaba sa Ka, mi musike mwa ikabela kwa libi za hae, mi Ni ka mi amuhela?” “Usike wa swala ze masila za hae, mi Ni ka ku amuhela,” ki Moya o Kenile o bulela.

225 “Mi yo kaufela ya ka nga nombolo ya sibatana, kamba liñolo la libizo la hae.” Kambe luna ni nako ya kukena ku zeo; nako yaka ifelile. Ki liñolo mañi la libizo la hae? Buipanguli. “Ha lu ezezeni siswaniso se si swana ni sona. Ha lu ezeni kopano. Keleke ya luna iswana fela sina keleke ya Katolika.” Ne ba ngile lika ze kaufela. “Nebana ni likeleke zetuna, mi lueza cwalo, ni luna. Luna ni sikwata sesituna fela sa muleneñi, mwa keleke ya luna, sina mo ba bezi ni zona mwa keleke ya bona. Ha lu ezeze sibatana siswaniso.” Mi ki sikamañi sene ibulezi Bibebe, ki “LIHULE,” mi yani ki “LIHULE,” ka kopano.

226 Kono Keleke ya Mulimu ya pila i lukuluhile. “Ya lukulula Mwana u lukuluhile luli.” Muzwe ku zona! Mutale ka Moya wa Mulimu.

Linaha za ikaba, Isilaele wa zuha,
Lisupo ze bulezwi kale ki Bibebe;
Mazazi a Bamacaba a balilwe, ni misima
ikatilwe;
“Mukutele, haenu O mina muhasani, muye
haenu.”

Lizazi la kuliululwa li fakaufi,
Lipilu za batu za ikalelwa ka sabo;
Mu tale ka Moya wa Mulimu, malambi amina
atuke ka liseli lelituna,
Mutalime mwahalimu! Kuliululwa kwa mina
ku sutelezi. (Amen.)

227 Lika mo li zamaela! Na ize, mwa mazazi a maungulo kuli, “Musike mwa saba, mutapi o munyinyani. Ki tato yende ya Ndata mina ku mifa Mubuso,” kuina hamoho mwa libaka za Mahalimu.

228 Ni mina ba Methodist, Baptist, Presbyterian, baba sehile Pentekota . . .

229 Mi, Ni li, Pentekota i tokwa sibaka sesinde sa kale sa Evangeli, kakuli ba ongaongilwe. Ba Assemblies of God ba keni mwa—mwa buñata bwa ba Pentekota, u ikopanyize mwa katengo ka likeleke, ka sihalihali fela ni kusa iseza ngana. Mi ze maswe hahulu ku ze Ni kile nabona fateni Moya o Kenile ha u ezahala, cwalo, neli ka bakutazi ba Pentekota. Kacwalo musike mwa nahana kuli, kakuli mu ba siemba sa keleke ya Pentekota, mu pilisizwe.

²³⁰ U pilisizwe fela haiba u kolobelizwe ka niti ka Moya wa Mulimu, ka Moya o Kenile, a tamahana ni Yena mwa Mata a zuho ya Hae, inza ya ni lisupo ni ze komokisa, kulatelela Moya wani kaufela ko U ya. Lisupo li latelela bapolofita. Lisupo li latelela Jesu Kreste. Lisupo za latelela baapositola. Ki hali, “Lisupo ze li ka ba latelela,” kufitela A kuta hape.

“Kana Seo si bulezi cwalo, Muzwale Branham?”

²³¹ “Muye mwa lifasi kaufela, mi mukutaze Mata a ni ponahazo kwa naha kaufela.” Mi si tokwile likalulo zetalu zetuna zateni, mane, ha ba si ka Li utwa kale. “Mi lisupo ze li ka ba latelela.” “Bona!” “Naha kaufela!”

²³² Kanya! Whew! Oh, mawi! Mwendu mu ka nahana kuli Ni lyangani. Muzwale, Na ku bulelela, Na lata bulapeli bwa mufuta wa kale bo. Eeni, sha, si ku sweli ku Kreste!

²³³ Cwale mwabona nombolo ya sibatana seo ili sona? Ki nombolo ya kukwenuhela tumelo. Ki mutu yali. . . una ni kunahana fela, kuli, “Kihande, Ni wa siemba sa keleke, mi Ni swana fela sina mutu yomuñwi. Kana ha Ni wa keleke ye nji?” Mi mwa lemuha, koo katengo ka keleke yamina ko muingile ku kona, ko ka zwelezi? Kikuli mwa ziba nji?

²³⁴ Bible ibulezi kuli, “Ya lapela sibatana, u amuhela nombolo ya sona, kamba liñolo la libizo la hae,” cwale mutalime, “fa pata kamba lizoho,” yani ki *zibo* kamba *likezo*. Seo ha si talusi kuli una ni sipunyiso sesituna kwa sifateho. Ha li lukeli kuba cwalo. Ha li buleli za kwande. Li ambola za moya.

²³⁵ Mi mu mutalime mubone sa ziba ka Mañolo. Mu muteeleze mi mubone kwa ya. “Haiba mutu hana Tuto ye, hakuna Liseli ku yena,” ki Bible ye bulezi. Mwabona? Mwabona? Mutalime kwa ya. Mutalime sa eza.

²³⁶ U li, “Kihande, Ni—Ni wa siemba. Ni wa Baipanguli. Eeni, sha. Ni—Ni wa keleke ya kuli *ye*. Eeni, sha.” Mi la Sunda una ni fela likute la zeo la kutaha ni kuba ni pula. Uya kwani, mwa sibaka sa kuya kwa mukopano wa litapelo, uka kwala keleke, ni kuina ni kubuha televishini. U zwela kwande mi u nwa ni ku tundana, ni kuezwa sina babañwi ba lifasi, ibo ki wa siemba sa keleke. Muhupule, yani kona nombolo ya sibi.

²³⁷ Cwale ha lu baleñi fapata nyana, kapili, mi Ni ka kwala. Lu fitelezi nako. Ha lu baleñi cwale timana ya 6.

Mi Na bona musali cwale (yona keleke) ya kozwi mali a balumeli, . . .

²³⁸ “Ba kozwi mali a balumeli.” Mwa ziba, Bible ibulezi kuli, ha na bulailwe, kuli mubili kaufela o no shwa, fa lifasi, mulatu no fumanwi mwa keleke ya Katolika. Luli, kwa simuluho.

. . . ni mali a lipaki za Jesu: mi . . . (Joani wa bulela cwale). . . mi ha Ni mubona, Na komoka mukomokela luli.

239 Joani ali! Cwale ha lu talimeñi fa. Joani ali, “Ni mu talimile; nali yomunde luli, keleke yende hakalo. Nana ni sikwata sa likeleke kaufela se si pepilwe ku yena, ‘mahe mahule.’ Mi Na talima kwa mulaho kwani, mi cwale musali yani na ka kona cwani. . . Na sweli kufa tuto ya buhata yani, kutiseza kuli malena kaufela ni baana babatuna kuli ba kolwe kayona. Mi fa bana ba hae ba basizana baeza lika zeswana. Kono, Na mu talimela; nali yomunde luli!”

240 Sibaka silisiñwi mwa Mañolo sali, “Ni ina sina mulena wa musali mi hakuna se ni tokwa.” Mwabona?

241 Mi cwale yena, Joani, ali, “Na mu lakaza. Na mu talima, ni kutalima ka likute lelituna. Na mu lakaza.”

Mi lingeloi la li kuna, Kiñi so komoka? Ni ka ku bulelela. . . Ni ka ku bulelela kunutu ya musali, ni. . . sibatana se si mu lwala, sa na ni. . . litho ze sebene ni manaka a lishumi.

242 Cwale ha lu boneñi haiba ne lu bulela niti. Haiba luna ni Bukatolika hande, kona kuli mwa ziba kuli Buipanguli bwa bu latelela. Kacwalo muna ni. . . Mina, muna ni butali bwa kuziba cwalo, mwabona. Mutokomele.

Sibatana so boni ne si li teni, . . . ha si sa li yo; mi si. . .

243 “Sibatana.” Cwale mutalime. Cwale mu ka lemuha kulo fa, ibulezi kuli neli malena babakai bene baliteni; mo ne ba wezi, yomuñwi ulukela kutaha.

. . . le li ka zwa mwa mukoti, . . .

244 Isiñi fa Bible! Kuzwa mwa sikwata sa kuakaleza ko ne li pangilwe. Hakuna makalelo a zona. Ki kai ko mu fumana “limbo” mwateni? Ki kai ko mufumana se “nama ya nama,” mi “muprisita ha nyali,” ni lika zeñwi ze kaufela ze ba eza, “kuipulela”? Ki kai ko mu fumana zeo? Hakuna sibaka kai kamba kai ko mu li fumana. Li zwile mwa lihele. Bible ibulezi ona cwalo. Ya zwa, sibatana, mata, tuto ye ne si nani, “Ya zwa mwa mukoti osina mafelelezo.”

. . . ni kuya mwa sinyeho: . . .

245 Kana i kai “sinyeho”? Lihele. Li kutela kwa sibaka ko li zwelela.

. . . mi ba ba yahile mwa lifasi ba ka komoka, be mabizo a bona ha si ka ñolwa mwa buka. . . kuzwa kwa mutomo wa lifasi, ha ba bona sibatana sene siliteni, . . . ha si sa li yo, mi si ka ba teni.

246 Cwale, likeleke za Baipanguli li bulela kuli, “Kihande, zeo likona kuba cwani, ha ba bulela kuli, ‘Na lumela Jesu Krete. Ki Mupulusi waka ya mupaka?’” Diabulosi wa lumela, ni yena, muzwale.

247 I lukela kuba kupepwa sinca, ili Kupepwa sinca, ili kupepwa sinca. Mi ha u pepilwe sinca, libizo la hao li ñozwi mwa Buka ya Ngunyana ya Bupilo.

248 Mu li, “Na komoka kamita. Kihande, sikamañi, kana ha Ni yomunde sina yomuñwi? Kana ha Ni yomunde sina sikwata sa mina sa bapikuluhi baba kenile? Ni talifile. Ni nani zona mwa. . . Ni nani madigiri. Ni zwa kwa koleji. Ni zwelela kwa lubasi lolunde. Sicaba sa hesu neli ma membala ba keleke, fapila ka. Kana ha Ni yomunde sina mina?”

249 Ibulezi kuli, “Lifasi kaufela,” Baipanguli ni babañwi kaufela, “neba komoka,” kaufela kwanda kuli mabizo a bona añozwi mwa Buka.

250 Kiñi mabizo ha na ñozwi? Ki Peu ya Abrahamama, “mi ki bo muca sanda kuya ka sepiso, ye ketilwe kusikaba kale mutomo wa lifasi.” Kona ha ba sa zibi. Mulemuhe fa, cwale mutalime sa na bulezi. Mutalime ba mwa Buka ya Ngunyana ya Bupilo.

Ki mo ku batahala kutwisiso ye na ni butali.

251 Cwale Ni bata ku mi buza nto yeñwi. Ki butali iliñwi ya limpo za Moya o Kenile? [Kopano ili, “Amen.”—Mu.] Kana ku cwalo? Ki babakai baba lumela kuli Bibebe, Makorinte Bapili 12, baluta kuli limpo ni lika kaufela mwa keleke, ki butali, ha lu boneñi, iliñwi ya limpo? Kihande, ukona kubulela cwani kuli hakuna kubulela ka malimi kanti? U bulela cwani kuli hakuna toloko ya malimi? U kona kubulela cwani kuli, hakuna foliso ya Bumulumu? Ka mubili o swana. . . Haiba Ni mubili, nina ni lizoho kwa neku *le*, ni lizoho kwa neku *le*, ni liutu *kwani*, mukona kubulela cwani kuli lizoho ki, isiñi lihutu? Kana ne mu si ka utwa sa na bulezi Paulusi?

252 Cwale amutalime, u bulela mwa mazazi a maungulo, kulibana hande ni Mubili, ali, “Ki ye fa ku yana ni butali.” Oh, Na lata se. Oh, mawi! Ki se se se si ka mi komokisa. Muteeleze ku se. Ku lukile. “Ki wo fa muhupulo o na ni butali.” Haiba limpo za Moya o Kenile zani ne li si ka taha kwa lusika kaufela, kiñi ha na bulezi taba ye mwa mazazi a maungulo? Haiba hakuna kuba limpo mwa keleke, mwa mazazi a maungulo, ki kabakalañi ha na bonisize taba ye kwa mazazi a maungulo? “Ki ye fa ku yana ni butali.”

. . . Litoho ze sebene ki malundu a sebene, fa inzi musali.

253 Ki malundu amakai? Ki mileneñi yemikai mwa lifasi, niteni, yeo keleke i yahile fa malundu a sebene? Iliñwi fela. Zeo li kai? Muleneñi wa Vatican mwa Rome. Ki cwalo kana? [Kopano ili, “Amen.”—Mu.] Bibebe ibulezi kuli lihule le li maswe le li ezize lifasi kaufela kuezza buhule, ni kutisa sikwata sa bana ba basizana nyana ka ku ba luta taba yeswana ya na ezize; ne ba si baba maswe ka yena, kono nebali mahule. Ne ba ba lutile lika

zeswana. Ali, “Makalelo a yona akaba musali,” kamba keleke, “ye inzi fa malundu a sebene,” mwa Rome. Ni talimile mwahala lifasi kaufela; mu ni bulelele ko liinzi, “keleke ye inzi fa malundu a sebene.” Cwale Ni bala se kuzwa mwa Bibebe.

Mi kuna ni malena ba sebene: ba faifi ba wile, . . .

254 Hane lukanga litaba za kale, ni kukuta kwa mulaho ku yo li bonisa, koo malena ne ba wile, mwa Rome, kuzwa mwa mubuso wa Babilona.

. . . iliñwi ki (Nero), mi yeñwi ina ni kutaha; mi. . . i lukela kuzwelapili fa nako yekuswani (mwendi likweli ze silezi) ha taha.

255 “Mi sibatana . . .” Ooh! Mutalime ku se. Cwale mata aka nga sibaka sa buhedeni.

Mi sibatana sene siliteni, mi ha si sa li yo, mane. . . ki sa bu eiti, (cwale mutalime) mi ki sa busebene, . . .

256 Kaufela mina mwa ziba mulena ya sabisa mwa na inezi. Yena na- . . . A nga mahe ku mu tamelelea kwa kota ya pelesa ni ku mu hoholola mwa mikwakwa, ni kutumbula mulilo mwa munzi, ni ku mu kambamiseza fa lilundu. Wani kona mufuta o swana wa moya o busa keleke ye inzi mwa sibaka sa buhedeni. “Ya bu eiti, ili ya bu sebene. Mi kipeto u ba cwalo, mi ha u cwalo; mi u cwalo, mi ha u cwalo; mi ha u cwalo,” kushetumuka cwalo.

. . . ni mwa sinyeho.

257 Kuisa nako ya Kutaha kwa Mulena, mi u nepelwa mwa lihele.

Mi manaka a lishumi o boni ki malena baba lishumi, ba ba si ka yola kale mibuso; kono ba amuhezi mata kakuba malena fa hola hamoho ni sibatana.

258 Oh, kambe fela luna ni . . . “Baba si ka amuhela kale mata.” Ha ki malena. Ne ba sina. . . Ha bakoni. Manaka na sina mishukwe. “Ne ba amuhezi mata sina malena.” Ki sikamañi seo? Bahapelezi; isiñi malena baba filwe mushukwe. Bahapelezi! Oh, mawi!

259 Cwale, oh, ha Ni bala se, fokuñwi pilu yaka ya tulaka bakeñisa tabo, ku lukile, ha Ni nahana ka mo lupila mwa lizazi la mafelelezo.

Mi manaka a lishumi o boni ki malena baba lishumi, baba si ka amuhela kale mibuso; kono ba amuhezi mata kakuba malena fa hola hamoho ni sibatana.

Ba bana ni muhupulo ulimuñwi, mi ba ka fa puso ya bona ni mata kwa sibatana.

Bao ba ka lwanisa Ngunyana, mi Ngunyana ika ba tula: . . .

260 Ku taha Ndwa ya Armagedoni; i itukiselize Mileniamu.

...kakuli ki Mulena wa mulena, ni Mulena wa malena:...(musike mwa nyungana)...mi babali ni yena ba bizwa kuli, ki baketwa,...

261 Isiñi wena; Una ni ona. Una ni Moya o Kenile, u lukela kuhuwa ka tulo. Mulimu na mi ketile ku si kaba kale mutomo wa lifasi. Haiba ha mu boni Liseli la Evangeli, kakuli mu—mu libofu fela.

...ketilwe, mi ya sepahala.

Mi ki hali ku na, Mezi o boni, fo ku inzi lihule, ki sicaba, ...nyangela, ni linaha, ni mishobo.

262 Ka manzwi amañwi, musali yo yainzi fa, yona keleke, uka fa tuto ya hae kwa sicaba kaufela, buñata, ni mishobo. Ki yani fani. Na ba busa. U inzi fahalimwa bona, mata inza ba busa. U inzi fa malundu a sebene, inza apezi ze fubelu, a kabisa bafumi mwa lifasi. Ki yani fani.

Mi manaka a lishumi o boni fa sibatana, bao ba ka...

263 Mutalime cwale, mutaha mwa mata a swalisano.

...bao baka toya lihule lelituna, mi ba ka li toboha ni ku li tubula, mi ba ka ca nama ya lona, ni ku li cisa ka mulilo.

Kakuli Mulimu u beile mwa lipilu za bona kuli ba taleleze tato ya hae, ni ku lumelelana, ni kufa mubuso wa bona kwa sibatana, kufitela manzwi a Mulimu...a talelezwa.

264 Haleluya! “Lihalimu ni lifasi li ka fela, kono Linzwi la Mulimu halina kufela.” Mutalime!

...haili musali yo boni...

...mi musali yo boni ki yena munzi o mutuna wani, o busa malena a lifasi.

265 Mu ni bonise munzi ulimuñwi mwa lifasi o busa malena a lifasi, ka mukwa kaufela o mubata, kwande a mundandwe wa litulo za Katolika mwa Rome, ze inzi fa malundu a sebene. Hakuna nihaiba muleneñi ulimuñwi, mi wali kuba, mi hauna kuba ni ona; kwanda Munzi o Munca o zwelela kwa Lihalimu. Yeo ki niti.

266 Cwale, fa muzuzu feela. Ni bata ku mi bonisa se hape, kuli Mulena abe ya tokomela ni ku lu fuyola hamoho halunze lu bala se. Ku lukile. Mutalime fa cwale, Ni bala kauhanyo ya 13. Ni kalela fa timana ya 15.

Mi nana ni mata a kufa bupilo kwa siswaniso...

267 Zeo ki mwa United States, ze lu boni ha li taha, mwa bona, ki siswaniso.

. . .kuli siswaniso sa sibatana si lukela kubulela, ni kuezza kuli ba bañata babasike ba lapela siswaniso sa sibatana si lukela kubulaiwa. (Kafo ki kuñala.)

Mi u ezisa kuli kaufela, banana ni babahulu, bafumi ni babotana, baba tamilwe ni baba lukuluhile, kuli ba amuhele nombolo mwa lizoho la bona la silyo, kamba mwa buino bwa bona bwa kale. . . -toho.

Mi kuli hakuna mutu yakona kuleka kamba kulekisa, konji ya na ni nombolo, kamba libizo la sibatana, kamba nombolo ya libizo la hae.

268 Cwale amutalime, cwale, ka tokomelo cwale, ka tokomelo luli, lu si ka kwala kale. Timana ya 18. Muteezeze.

Ki bo fa butali.

269 Mwabona Moya o Kenile ha u biza balumeli mwa lizazi la mafelelezo? Sikwata nyana sani fani, inge si bulela, kubiza sikwata nyana mwa lizazi le, “Ki ye fa ku yana ni butali mwa keleke. Ha utwisise se.”

. . .Ya na ni kutwisiso abale linombolo za sibatana: kakuli ki nombolo ya mutu, (isiñi naha) ki mutu; mi nombolo ya hae ki Sikisi handeleti mashumi asilezi ni a silezi.

270 Mi fahalimwa Munzi wa Vatican . . . Musike mwa ni bulelela cwale; Nina ni *Niti Ya Tumelo Yaluna*, ni zeñwi kaufela, mwabona. Fahalimu a Munzi wa Vatican, ni pope uyema sina “muyemeli wa Mwana Mulimu.” Nina ni balikani ba Katolika babainzi ona fa, yani neli Katolika, yainzi fa mi uziba kuli yeo ki niti. Sicaba saka, mwendi, fapila ka, neli sa Katolika, nina. Mwabona?

271 Ne ba bizize Muhalalehi Patrick kuli ki wa Katolika, mi na si wa Katolika. Ali Joan wa Arc neli mulumeli; mi baprisita ba mu cisa kuli ki muloi. Ki kabakaleo Jesu naize, “Mu nata mabita a bapolofita, mi mwa ba beya mwateni, mina mamota a masweu.” Yeo ki niti.

272 Mutalime, ki nombolo ya mutu. Mi fahalimu a popu wa kwa Rome, ku ñozwi kuli, “VICARIVS FILII DEI.” I ñozwi mwa litaku za Siroma. I ñole fela ni wena, kamuso. V, I, C, I, R, oh, mu iñole fela hande, ka litaku za Siroma, ni kulala mulaini wa mina ni ku kopanya hande lipalo, mi ubone so ka fumana: sikisi handeleti ni sikisite-sikisi. U inzi kai? “Fa malundu a sebene.”

273 Mi kuzwa mwani kwataha kopano ya bulapeli, yona tuto ya litumelo yani mwa sibaka sa Bibebe. Mi Baipanguli ba filikana kuzona, mi basweli fela kuezza taba yeswana inge mo ba ezeza ni bona, kakuli I bulezi kuli nali “LIHULE,” mi nebali “MAHULE.” Ku litisa ka kolobezo ya buhata, ni bulapeli bwa buhata, ni mubonelo wa buhata wa Moya o Kenile, ka mubonelo

wa buhata wa lihele, ni lika ze kaufela cwalo, ni Baipanguli ba latelela mwa mihato ya mahutu.

Kono ku kaba Liseli mwa nako ya manzibwana,
 Nzila ya Kanya mu ka ifumana luli; (Yeo ki niti.)
 . . . nzila, kona Liseli kacenu,
 Kupumbekwa mwa Libizo lelinde la Jesu.
 Banana ni babahulu, mubakele libi za mina,
 Moya o Kenile uka kena mwateni luli;
 Maseli a manzibwana atile,
 Ki niti kuli Mulimu ni Kreste ki Alimuñwi.
 (Amen!)

²⁷⁴ Muzwale, Na mi bulelela, ki Liseli la manzibwana le li monyeha. Yona Tuto yeswana ya baapositola, yona kolobezo yeswana ya baapositola, ona kutazwa kwa Moya o Kenile kwa baapositola, ona lisupo zeswana za buapositola ni ze komokisa, basweli ku pahama ku Bamacaba; sina mo ne ba ezelize kwa Majuda, kwa mulaho kwani kakusasana, ki se fa mwa buino bwa lizazi.

Kuna ni batu kwa libaka kaufela,
 Be lipilu za bona lituka mulilo
 Ka Mulilo o no wile la Pentekota,
 Sani ne si ba lukisize ni kuba eza baba kenile;
 Oh, wa tuka cwale mwa pilu yaka,
 Oh, kanya kwa Libizo la Hae!
 Ni tabile hahulu kuli Ni kona kubulela kuli Ni alimuñwi wa bona.

Alimuñwi wa bona, Ni alimuñwi wa bona,
 Ni tabile hahulu kuli Ni kona kubulela kuli Ni alimuñwi wa bona;
 Alimuñwi wa bona, alimuñwi wa bona,
 Ni tabile hahulu kuli Ni kona kubulela kuli Ni alimuñwi wa bona.

Ne ba kopanezi mwa ndu ya fahalimu,
 Kaufela inge ba lapela ka Libizo la Hae,
 Ba kolobezwa ka Moya o Kenile,
 Mi Mata a sebelezo a taha;
 Cwale sa Na ba ezelize ka zazi lanu
 Uka mi ezeza sona,
 Ni tabile hahulu kuli Ni kona kubulela kuli Ni alimuñwi wa bona. (Mina bo?)

Taha, muzwale waka, ubate mbuyoti ye
 Ye ka kenisa pilu ya hao kwa sibi,

Oh, wa cisa cwale mwa pilu yaka,
 Ni kubeya moyo wa hao fa mulilo;
 Oh, wa tuka cwale mwa pilu yaka,
 Oh, kanya kwa Libizo la Hae,
 Ni tabile hahulu kuli Ni kona kubulela kuli Ni
 alimuñwi wa bona.

275 Oh, kwa Evangeli ye kanya ye!

I sweli kulota mali, eeni, isweli kulota mali,

276 Mubale tifo yateni! “Haiba uka Ni latelela, yoo aitobohe,
 alwale sifapahano sa hae,” lifu, “mi a Ni latelele.”

Evangeli ya Moya o Kenile ye isa lota mali.
 Mali a balutiwa baba shwezi Niti,
 Evangeli ya Moya o Kenile ye isa lota mali.

Wa pili kushwela mulelo wa Moya o Kenile wo,
 Neli Joani Mukolobezi, kono ashwa sina mutu;
 Mi kwa taha Mulena Jesu, ba Mu kokotela,
 Na kutalize kuli Moya uka pilisa batu kwa sibi.

Nekuna ni Pitrosi ni Paulusi, ni Joani musinuli,
 Ba file bupilo bwa bona kuli Evangeli ye
 ibenye;
 Ba kopanya mali abona, hamoho ni bapolofita
 bakale,
 Kacwalo Linzwi la niti la Mulimu lakona ku
 bulelwa hande.

Mi kihaba pwacaula Setefani ka macwe, na
 kutalize kunyaza sibi,
 A ba filikanya hahulu, ba pyata booko bwa hae;
 Kono a shwela mwa Moya, a pumehelwa ki
 moya,
 Mi ayo kopana ni babañwi, nyangela yefa
 bupilo yani.

I lota mali, eeni, isweli kulota mali,
 Evangeli ya Moya o Kenile ye isa lota mali,
 Mali a balutiwa baba shwezi Niti,
 Evangeli ya Moya o Kenile ye isweli kulota
 mali.

Mioyo yeli mwatasa aletare, ya lila, “Kukanga
 nako yekuma kai?”
 Mulena ha ka fa koto baba fosize; (Kueza
 lisheha, mwabona. Oh, mawi!)
 Kono kuna ni babañata baba kafa mali a
 bupilo bwa bona
 Kwa Evangeli ya Moya o Kenile ye ni mali a
 yona.

I lota mali, eeni, isweli kulota mali,
 Evangeli ya Moya o Kenile ye isa lota mali,
 Mali a balutiwa baba shwezi Niti,
 Evangeli ya Moya o Kenile ye isa lota mali.

277 Ha lu fetuheni, lu swalane mwa mazoho cwale.

I lota mali, eeni, isweli kulota mali,
 Evangeli ya Moya o Kenile ye isa lota mali
 Mali a balutiwa baba shwezi Niti,
 Evangeli ya Moya o Kenile ye isa lota mali.

278 Kana mwa lata Mulena? Mulena ami fuyole.

279 Ndate, lu lapela kuli U fuyole sicaba se, mi ha ba ye kwa mandu inge ba nyakalala. Ha ba tahe kwa Liweluwelu lelitezi Mali, azwa mwa misinga ya Emanuele. Ha ba hane keleke ya kale kaufela, mi ba tahe ba amuhele Moya o Kenile. Lu lapela ka Libizo la Jesu. Amen.

Mulimu ami fuyole. Ki busihu bobunde. Mulimu abe ni mina.



NOMBOLO YA SIBATANA LOZ54-0513
(The Mark Of The Beast)

Liñusa le ka Muzwale William Marrion Branham, neli kutalizwe lwa pili mwa Sikuwa la Bune manzibwana, Kandao 13, 1954, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org